

增補  
標記

元明史畧

四



卷二

柳田文庫

文庫11

D 294

4





文庫 11  
D 294  
4

增補元明史略卷之四

平安嚴垣  
其暉校訂  
標記

編次

後藤世鈞

讚岐

日本

藤原正臣

增補

明下

光宗貞皇帝名常洛神宗長子

補萬曆四十八年八月即位

今年為泰昌元年八月罷天下礦稅及監

稅中官起用建言得罪諸臣○贈故帥劉綎秩

立廟祀之廕其後因遣使祭陣亡諸將士○五

星鬩東方頃之有白氣長竟天○有如日者三

票已增補元明史各卷四

明光宗

新行  
元年

中國書局  
增補元明史略

御覽卷之四

010190562919



傳後

藝說文乾煎也揚子方言云凡以火而乾五穀之類自山而東齊楚以往謂之熬

代母

並出尋乃死○旌德人舒復性至孝年十二見母王氏病篤每泣禱祖美應公墓所願以身代一夕倬俊中熬毒強之藥弗飲泣語母曰昨祖來告兒謂兒死母病當愈王氏哭之慟倬俊張目熟視曰兒死事小有母在得善事兒父而兒兄若弟不至失怙兒無憾矣語畢遂暝永幾其母病果愈里人奇之題其墓曰代母墓蓋童年死孝古未有者○丹陽蝗有蒲太王者善禱術獨一家不與禱蝗集其田數畝立盡隣田不

犒勞也

損穎俱去○帝以邊數告急乃令徐光啓督練京兵為內衛因發帑金百萬犒九邊○詔起廢官皆抗言得罪降斥謫戍永錮沒身者補葉向高復入閣○帝不豫服崔文昇李可灼藥不起遂崩時九月朔也帝在位僅三旬選侍李氏移居于仁壽殿從御史楊漣等之議也補初鄭貴妃侍神宗疾留居乾清宮及帝嗣位未移懼帝以前福王事得已進珠玉及美姬八人噉帝知選侍李氏最得帝寵因請立為皇后選侍亦為貴妃求封皇太后帝力疾御門趣舉冊封禮部侍郎孫如游力爭事得寢時都下紛言貴妃使內侍崔文昇進洩藥帝由此委頓群情疑外家王郭二戚

標已曾補元月史各卷四

明光宗



三案

三案

五雜組云。醫家有取紅鉛之法。擇十三四歲童女美麗端正者。謹護起居。俟其天癸將至。以羅帛盛之。或入金銀為器。入磁盆。

晚遍謁朝上。泣懇宮禁危急。言鄭李交甚固。包藏禍心。於是給事中楊漣御史左光斗昌言。於朝與吏部尚書周嘉謨。以大義責貴妃。兄子鄭養性。趣貴妃移宮。貴妃恐。即移居慈寧。二十。九日。帝疾大漸。召見閣臣。方從。等乾清官命。封選侍為皇貴妃。選侍趣皇長子。出曰。欲封后。帝不應。群臣愕然。從哲命鴻臚寺丞李可灼進。藥。可灼自云。仙方所謂紅丸者也。帝服訖。稱忠。臣者再。諸臣退。可灼復進。丸。明日。帝崩。選侍與心腹。閣魏進忠。謀挾皇長子。自重。羣臣入臨。為。閣人所格。楊漣厲聲責之。得入。臨。如禮。劉。爆。詔皇長子所在。羣閣不應。爆。人言誰敢匿。新天子者。東宮伴讀王安入。日。選侍抱皇長子。出。漣乃追及掖。升。輦至。文華殿。群臣叩頭呼萬。歲。擇日。登極。漣與左光斗等。言皇長子無嫡母。生。母。選侍嘗邀封后。非可以冲主。付託也。於是。議。命。選侍乃移居。皇長子即位。

天啓元年

內澄如珠。砂色用烏梅水及井水河水。攪澄七度。曬乾。合乳粉。辰砂。乳香。秋石等藥。為末。或用雞子抱。或用火煉。名紅鉛丸。專治五勞七傷。虛憊羸弱諸症。

熹宗皇帝名由校。光宗長子。補賜太監魏進忠。世廕封乳母客氏為奉聖夫人。進忠初為帝母。王才人典膳。因魏朝以結王安與乳媪客氏私。帝嗣位。進忠客氏並有寵。進忠後改名忠賢。補罷熊廷弼。以袁應泰經略遼東。廷弼有膽略。知兵。然性剛。好嫚罵。物情不甚附。為言者劾。廷弼憤甚。抗疏求罷。朝議以應泰代之。○天啓元年。御史焦源溥等請誅崔文昇等。不可。補三月。遼東經略袁應泰議三路出師。復無順。未行。奴兒。



閘水門也

魏忠賢客亂政

哈赤入寇薄潘陽總兵賀世賢等戰死城破應泰撤奉集威寧諸軍並力守遼陽引水注濠沿濠列火器滿洲兵掘城西閘洩濠水分兵塞城東水口渡濠入城應泰佩劍印自縊御史張銓副使可廷魁等俱不屈死滿洲兵循海而南朝議遣使分道募兵前後糜帑數百萬然所募皆市井烏合臨陣先走甚者遁為盜奸民揭竿從之中原自此多事○四月宦者魏忠賢矯詔殺前大監王安初帝之立也王安與諸大臣同受

古本殺之下有忠賢衷甲出入之六字字彙髮音休漆物謂之髮

顧命見忠賢侵權欲重懲之忠賢與客氏同謀殺安安既死而忠賢益無所憚矣忠賢闇文義乃取舊司禮監李永貞入備贊畫李明道崔文昇等各司監局探帝意為奸凡宮嬪內侍與魏客不協者百計殺之補帝性好機巧親斧鋸椎鑿髮漆之事每引繩削墨忠賢輒奏事帝厭之諺曰朕已悉矣汝輩好為之忠賢因得擅威福○給客氏地以陵工成命叙錄魏忠賢御史王心一馬鳴起等先後糾之帝怒降調有差補時瀋陽遼陽失京師大震劉一燝曰使熊廷弼在當不至此帝



乃召廷弼於家。廷弼議廣寧用馬步兵列壘三  
 岔河上。天津登萊各置舟師。三方並進。遂命廷  
 弼駐山海關。經略軍務。廣寧巡撫王化貞與廷  
 弼議不合。兵部尚書張鶴鳴力主化貞議。凡廷  
 弼所奏請。輒從中沮格之。廷弼憤甚至。冬廣寧  
 人傳敵兵且渡河。兵部趣廷弼出關策應。廷弼  
 乃令諸將分守鎮武。間陽。西平。而自出關駐右  
 屯。○九月。四川永寧宣撫司奢崇明叛。奢氏猓  
 獠種也。洪武中歸附。命為宣撫。世守其土。數傳。

奢崇明叛

汰沙也。晉書孫綽傳。云沙之汰。後之瓦礫在。

至崇明明與了寅有逆志。招納亡命。時以邊事急  
 徵四方兵。崇明以兵詣重慶。巡撫徐可求汰其  
 老弱。餉復不繼。遂據城叛。蜀土震動。補崇明殺  
可求  
 州遵義。新都。內江。進圍成都。布政使朱燉元周  
 著等。及門固守。石砮。女土司秦良玉發兵援。成  
 都圍遂解。明年夏復重慶。○二年正月。滿州兵渡遼河。攻西  
 平堡。先是王化貞上言。臣願請兵六萬。一舉蕩  
 平。熊廷弼以為不可。廷臣與廷弼議合者。御史  
 江秉謙等數人。餘皆右化貞。張鶴鳴篤信化貞。  
 請撤廷弼。他用。帝不從。於是化貞盡發廣寧兵。

年



廷弼亦檄諸將來會。遇敵兵於平陽橋。鋒始交。游擊孫得功遽走。呼曰：兵敗矣！諸軍皆走。總兵劉渠、祁秉忠、副將劉徵戰死。羅一貫自刎。西平堡陷。得功遂降。廷弼師次間陽驛。聞敗還。時廣寧城中訛言敵已薄城。居民驚竄。化貞莫知所為。單騎西奔。遇廷弼於太凌河。化貞哭。廷弼微笑曰：六萬衆一舉蕩平。竟如何？化貞慚。議守寧遠。及前屯。廷弼曰：已晚。惟護難民入關可耳。乃以已所將五千人授化貞。為殿。盡焚積聚。與諸

賜音釋

將先後入關。給事中侯震揚等請並逮二人。以伸國法。遂下獄論死。鶴鳴亦罷歸。○六月。貴州

安邦 莽叛

水西土酋安邦彥叛。補邦彥陷炎方松林等圍普安安南雲南都司李夫

徐鴻 孺倡

震孟上言勤政講學之實疏入。忤魏忠賢。帝怒。常帥兵救之。遇伏。全軍皆沒。於是交水曲靖武定尋甸崇明之間。騷然苦兵。修撰文

謫歸。○山東妖賊徐鴻孺倡亂。深州王好賢景

州于弘志三方同起。撫臣趙彥發兵捕之。補鴻

五雜組云。如白蓮。回色目。及吾閩三教。

野人萬曆末。以白蓮教惑衆。黨數千人。深州人王森。嘗救一妖狐。妖狐斷尾。令藏之。招人。聞異香。多歸附之。號聞香教。森死。遺貴巨萬。于好賢藉其資。以結客。有異志。景州于弘志以教棒

票已曾補元月各條曰

明熹宗



等項然皆  
猥瑣庸劣  
無甚見解  
新井白石  
曰回回教  
以事天為  
本即與天  
主教法同  
源而異派  
者也  
刺偵伺也

會惡少年好賢與通密約鴻孺三方同起  
孫改鉅野縣及軍縣知縣余子翼逃又進陷鄒  
縣遂奔官軍尾其後襲之連戰皆捷賊勢窮蹙  
景州于弘志亦為官兵斬餘賊披靡四散九月  
鴻孺遂降磔于市王好賢南走至揚州就擒  
趙彥兵部尚書補三年正月遣中官刺邊事帝  
餘進秩有差  
好察邊情常遣中官詣關門具事狀奏報名曰  
較事及魏忠賢竊柄其黨劉朝等四十五人先  
後至山海關薊遼經略孫承宗疏言中使觀兵  
自古有戒帝不省補五月四川總督朱燾元會  
諸軍復遵義遂進克永寧降賊眾二萬奢崇明

父子窮蹙率餘眾投水西安邦彥與合兵復犯  
遵義官軍敗之禽崇明妻及女弟蜀中遂靖未  
幾貴州巡撫王三善為邦彥所襲死崇明勢復  
張補七月客氏魏忠賢恐宮中人白其罪惡矯  
旨賜光宗選侍趙氏自盡幽裕妃張氏別宮絕  
其飲食天雨妃匍匐承檐溜飲之而死皇后數  
於帝前刺客魏過失是年后有娠客氏以計墮  
之帝用此乏嗣又以帝郊祀日掩殺帝所寵馮  
貴人左右無敢言者范慧妃以讒失寵李成妃



肆恣也

四年  
楊連  
上疏

為之乞憐客魏知之亦幽成妃別宮妃豫儲食物  
簷瓦間半月不死斥為官人○時東林勢盛  
韓爌鄭三俊李邦華高攀龍並通顯楊連左光  
斗魏大中袁化中等激揚諷議魏忠賢頗憚之  
於外事不敢大肆補魏忠賢每出車馬儀衛僭  
擬乘輿提督東廠用許顯純為鎮撫司理刑銀  
鍊殘酷七大夫多被戕死補四年六月御史楊  
漣疏奏魏忠賢補十四罪忠賢亦有疏辭補疏  
先下備極溫諭次日下漣疏切責不少貸諸臣

年

公憤繼漣上疏者不下百餘人帝溫旨悉數忠  
賢勤勞責羣臣附和補五年正月崔呈秀為御  
史先是呈秀按淮陽高攀龍發其贓私趙南星  
譏戍之呈秀寤夜走魏忠賢所叩頭乞為養子  
涕泣言南星攀龍輩皆東林邪黨時忠賢為廷  
臣交攻思假事端傾陷正士得呈秀恨相見晚  
遂用為腹心日與計畫復其官越二歲遂進兵  
部尚書兼左都御史出入烜赫勢傾朝野陰排  
諸異己者羣小並進善類為一空○六月下都

垣音喧  
赫音惠  
也



給事楊漣魏大中僉都御史左光斗中書舍人  
吳懷賢等於獄俱死于獄中御史惠世揚夏之  
令刑部侍郎朱世守大理寺丞楊一鵬兵部侍  
郎劉策等俱削籍並以論魏客也補八月御史  
張訥請毀天下講學書院力詆講學諸臣尚書  
孫慎行等數人俱削籍又列嚴憲成已下數人  
為東林奸黨悉刊黨人名三天下補六年正月  
奴兒哈赤入寇圍寧遠城參政袁崇煥集將士  
誓死守盡焚城外民居搗守具入城檄前屯及

六年

山海關凡將士逃至者悉斬人心始固虜兵薄  
城進攻城上火器礮石齊下殊死戰虜兵退明  
日再攻遂不能克奴兒哈赤起兵已來戰無不  
捷攻無不克惟寧遠城不下不憚而歸事聞擢  
崇煥僉都御史巡撫遼東駐寧遠補三月水西  
苗老虎阿引等殺賊首奢寅來降補八月奴兒  
哈赤殂于瀋陽城奴兒哈赤英武有大略騎射  
絕倫統一諸國及取瀋陽遼陽將居于遼陽貝  
勒諸臣俱請還國奴兒哈赤曰今克此城天授



木言... 明... 魏忠賢

清太祖

清天聰元年

明紀云建  
忠賢生祠  
於西湖詔  
賜詞額自  
堤諸方効  
尤幾遍天

我以遼陽也。且此地乃明及朝鮮蒙古接壤要害之區。宜居之。遂迎妻子居焉。明年更築城于遼陽之東五里。太子河邊。遷居之。名曰東京。居三年。復自東京遷於瀋陽。遂殂焉。壽六十八。是為清太祖第八子。皇太極即位。皇太極狀貌奇偉。勇力絕倫。奴兒哈赤曾委以家事。於是即位。改明年為天聰元年。大赦國中。補十月。進魏忠賢爵上公。又建其生祠於西湖。從浙江巡撫潘汝楨請也。詔賜祠額。勒石記功德。閣臣撰文書。

七年

鄭芝龍初

F云云黃  
運恭迎忠  
賢像五拜  
五指首拜  
九千歲  
化道取如  
把以入祠  
不拜皆下  
獄論死  
蒼曝雜記  
云康熙辛  
巳御史某  
請毀明逆  
關魏忠賢  
西山墓及  
碑碣

冊有以入祠不拜削籍論死者。○七年六月海寇鄭芝龍犯閩中銅山等處。芝龍泉州南安縣石井巡司人也。字飛黃。小名一官。其大父紹祖為泉州太守。葉善繼。史芝龍友。十歲。官戲。投石子。誤中善繼額。擒治之。見其姿容秀麗。笑而釋之。居無何。落脫數歲。與其弟芝虎流入海島。願思齊黨中為盜。思齊死。眾益推芝龍為魁。縱橫海上。官兵莫能抗。朝議令葉善繼招撫之。芝龍感恩歸命。及降善繼。坐戕門。命芝龍兄弟泥首。芝龍素德善繼。屈意下之。而一軍皆譁。竟叛去。復踞海島。劫截商民。往來。閩廣之間。補七月。滿洲兵圍錦州。總兵趙率教固守。巡撫袁崇煥遣精兵四千繞出滿洲兵後。大戰敗之。魏忠賢使其黨劾崇煥不救錦州。崇

票已曾甫元月史各卷四

明熹宗



和言北

煥乞休去以王之臣代之○八月帝崩無嗣遺

命以信王入繼大統

古本作懷  
宗皇帝

毅宗烈皇帝名由檢熹宗之弟初封信王熹宗

崩入繼大統○十一月誅魏忠賢客氏其黨相

繼伏法法司追論忠賢等罪帝命磔忠賢屍戮

客氏屍天下快之

補帝素稔忠賢惡即位後深  
自傲備廷臣交章劾忠賢忠

賢大懼以重寶啗信邸人監祿元求解帝斥

應元安置忠賢於鳳陽既行遣使逮之忠賢及

崔呈秀自縊死詔戮其屍客補罷諸邊鎮守中

**魏客**  
伏誅

稔熟也言  
熟知也  
傲戒也

金冠袍帶等○命內臣俱入直非受命不許出

禁門○諭戒廷臣結交近侍補四月以袁崇煥

督師薊遼初崇煥以忤魏忠賢去至是進兵部

尚書督師薊遼○七月鄭芝龍降于福建巡撫

熊文燦

補海上故多盜芝龍尤猖獗然有求撫  
意嘗敗官軍不追獲將士不殺當事者

遣使撫諭遂降熊文燦善遇之芝龍先後補擊殺大寇李爾奇鐘斌劉查海氛漸息

遠諸營兵以缺餉大譟縛巡撫總兵官等督師

袁崇煥馳至撫定之時度支大絀錦州薊鎮兵

相繼譁戶部尚書畢自嚴言一歲之出浮於所

浮過也

標已曾補元月史各卷四

明毅宗

十一



括檢也。

二年 起 亂 王嘉 亂 倡

入一百一十三萬有奇。而內供召買不與焉。帝命廷臣各陳所見。自嚴擇其可者。先後列上。增鹽引。議鼓鑄。括雜稅。覈隱田。增關課。皆瑣屑權宜之計。民以重困。陝西饑。流賊大起。府谷民王嘉胤倡亂。饑民附之。白水盜王二等亦合徒眾劫掠。時承平久。猝被兵。人無固志。延安人張獻忠從嘉胤陰謀多。賊中號八大王。其部最強。時稱獻賊。安塞馬賊高迎祥亦起。自稱闖王。饑民王火梁等應之。二年帝憂國用不足。從

站音斬也。

明季遺聞云秦晉之

民饒者資無賴者

藉水陸舟車奔走自

給至是無所得食云

云失驛站生計遂相

聚為盜眾共切齒于

懋呼其名而詛咒之

圖其形而叢射之懋

給事劉懋議裁驛站冗卒。山陝游民仰驛糶者無所得食。皆從賊。四川總督朱燮元討奢崇。明安邦彥平之。補燮元檄雲南兵下烏撒。四川駐陸廣。逼大方。貴州總兵許成名由永寧復赤水。邦彥與崇明合眾十餘萬來攻燮元。合成一名。倖退誘賊而遣兵三路搗其巢。四川總兵侯良柱遇賊於永寧。與成名合擊大破之。斬崇明。邦彥俘數千人。積補十一月。滿洲皇太極帥軍入寇。入洪山口。別將陷大安口。會遵化山海關總兵趙率教入援。戰死。全軍覆沒。巡撫王元雅與將士憑城拒守。城破皆死之。閱日京師始得報。



木訥地神方田畝田米四

以是自眼  
死押至山  
東莫肯為  
輦負者

詔天下勤王滿洲兵已自順義西薄都城尋陷  
良鄉迴軍至蘆溝橋進逼永定門援軍總兵官  
滿桂戰沒京師大震補十二月薊遼督師袁崇  
煥聞警入援所過諸城皆留兵守帝聞其至喜  
甚令盡統援軍時所破隘口乃薊遼總理劉策  
所轄都人驟遭兵怨謗紛起謂崇煥縱敵朝士  
因前通和議誣其引敵脅和滿洲兵聞之乃設  
間謂與崇煥有成約語聞於帝帝信之遂執下  
詔獄○三年五月設曆局徵西洋陪臣湯若望

羅雅谷供事曆局

補三年五月朔日食失驗帝欲  
罪臺官禮部尚書徐光啓言臺

官測候本郭守敬元時嘗當食不食無怪今日之失  
雖守敬舊法本末盡善抑亦年遠數贏宜及時修

治從之詔西洋人範華民等推光啓為監  
督西法之行自此始至是徵湯若望等供事 **補滿洲**

兵已陷遵化永平遷安灤州皆留兵防守至是東還  
分兵攻山海關守將官惟賢力戰乃還攻撫寧昌  
黎京師道梗督師孫承宗總兵官祖大壽在東馬  
世龍及四方援軍在西承宗遣兵戍開平復建昌  
聲援始接滿洲兵遂棄永平出冷口而還承宗始  
復四城○王嘉胤引陝西人入掠補陝西五鎮兵入  
援多逃歸與譚而

明毅宗

明毅宗



擊要云以崇煥力主和議擅殺毛文龍以我大清兵深入也

四年

起關賊

懼誅者皆合於賊嘉慶盜神一元破寧塞據之補八月殺前督師尚書袁崇煥補十二月帝以兵食不足欲增田賦命戶部協議尚書畢自嚴請畝加三釐於是增百六十五萬有奇合舊所增凡六百八十餘萬海內咨怨補四年四月副將曹文詔破賊于河曲先是王嘉胤久據河曲文詔絕其餉道困之嘉胤遁去為左右所殺其實共推王自用為魁自用結群賊高迎祥張獻忠等共三十六營眾二十餘萬聚山西補陝西米脂縣人李自成自

彘音婁

五年

延綏往依高迎祥號闖將自成性狡黠善走能騎射與姪李過為暴于鄉懼罪逃入甘肅為兵以功陞把總殺王參將遂為賊補九月遣中官王應朝等監視諸邊軍餉命張彞憲總戶工二部補帝初盡撤鎮守中官委任大臣既見廷臣競門戶不足倚乃復遣王應朝鄧希詔等補視關寧宣大山西軍馬以張彞憲有心計命鈞校戶工二部吏部尚書閔洪學率廷臣力爭帝曰諸臣若殫心為國朕亦何藉內臣衆不能對中官自是居權要相結為奸補五年三月工部侍郎高弘圖上言內臣張彞憲奉總兩部之命辱朝廷褻國體言太切直不聽疏七



上竟削籍禮部主事周鑣亦上言論內臣帝怒  
 削籍補八月副將曹文詔與左光先等分勦宜  
 君清澗米脂合水賊皆大捷文詔在陝大小數  
 十戰功最多巡撫范復粹上功狀為兵部所格  
 賞不行補九月賊將高迎祥羅汝才張獻忠等  
 分道四出連陷大寧陽州澤州壽陽諸州縣全  
 省震動部議令宣大總督張宗衡駐平陽巡撫  
 許鼎臣駐汾州分地守禦已而李昇賀人龍艾  
 萬年將關中兵至鼎臣檄以自從宗衡怒其不

六年

從已檄之還補將其之適從賊乘間入據磨盤  
 山出陷交城文水澤州遼州平順補六年二月  
 流賊犯畿南河北總兵曹文詔等屢敗之補七  
 月滿洲兵陷旅順補十一月賊盡集河北屢為  
 諸將所敗乃詭辭乞降監軍內臣楊勳進信之  
 為入奏會天寒冰合賊乃渡河而南河南軍無  
 扼之者遂陷澠池伊陽盧氏巡撫元默督軍禦  
 之賊由間道入內鄉大掠南陽汝寧直走湖廣  
 賊始起陝西高迎祥最強李自成屬焉及渡河

詭詐也欺也



自成別為一軍補七年正月賊張獻忠等突漢南州縣遂陷夔州遠近皆震補三月山陝大饑民相食發金賑之補四月滿洲定官名又改瀋陽為盛京補六月江西饑逋賊益多進士陸運昌上撫字八條帝可其奏補賊犯鄖陽商南總督陳奇瑜檄陝西河南湖廣兵擊大破之擒其魁數人張獻忠奔商洛高迎祥李自成遁入興安車箱峽官軍圍之賊大窘以重寶賄奇瑜左右及諸將偽請降許之縱遣賊出陝即大諫屠

所過州縣略陽賊數萬亦來會關中大震補七月滿洲皇太極伐察哈爾旋師寇大同宣府攻陷城堡數十京師戒嚴竟陷萬全左衛乃去補八月帝憂寇詔發各鎮兵四萬五千豫備賊衝突補九月補十一月逮陳奇瑜下獄以洪承疇代之高迎祥張獻忠李自成等自陝西東出關陷陳州破汜水固志大會於滎陽遂陷潁州知州尹夢鼈指揮李從師等皆戰死賊每營數萬因糧宿飽人有副馬官軍兵寡備多饋餉



六年

不繼。且馬少。總兵左良玉在懷慶。與督師巡撫  
議不合。檄調不時應。帝命洪承疇出關急勦。限  
六月平賊。補八年正月。賊陷鳳陽。焚皇陵。殺軍  
民。留守朱國相等戰死。是時賊之慘毒不可舉  
言。至有縛人之夫與父。而活其妻女。然後殺之。  
或剖孕婦腹。驗男女胎。或以大鍋煮油。擲孩子  
於內。觀其跳躍為樂者。補初。洪承疇出關至信  
陽。諸將畢會。賊見河南兵盛。六月分路奔還陝  
西。張獻忠由英霍取道麻城入陝。會高迎祥李

元年

自成於鳳翔。副將艾萬年。柳國鎮等戰歿。總兵  
官曹文詔憤甚。以三千人大戰。斬首五百。追北  
三十里。賊伏數萬騎。合圍文詔。徒步轉鬪。與遊  
擊平安等二十餘人皆死。補八月。以盧象昇進  
兵部侍郎。總理山西陝西軍務。以賊已蔓延半  
天下。洪承疇一人不能顧也。補九月。洪承疇破  
賊於渭南。補九年正月。高迎祥等圍滁州。盧象  
昇帥兵來援。大戰於朱龍橋。賊連營俱潰。西入  
歸德。分道犯南陽裕州。象昇擊敗之。賊精銳幾



滿洲  
建國  
號曰  
大清

賊黨  
推李  
自成  
為闖

蓋張流切  
音斬屋音  
箕山曲曰  
蓋水曲曰  
屋

盡補四月。滿洲建國號曰大清。改元崇德。補七月。清兵入昌平。連陷畿內州縣。乃下詔徵諸鎮兵入援。皆不敢戰。八月。清兵退去。補孫傳庭代洪承疇為巡撫。銳意滅賊。與副將賀人龍等擊賊首高迎祥於蓋屋。擒之。獻俘闕下。磔死。賊黨乃共推李自成為闖主。補諭廷臣助餉。未幾又括助賊文武諸臣。馬開銀鐵銅鉛諸礦。補盧象昇擊賊。屢有奇勝。賊勢漸衰。大學士溫體仁忌其功。以王家楨代象昇。家楨故庸才。賊無所憚。

十年

補十月。工部侍郎劉宗周累疏陳時政。語多激切。為溫體仁所忌。請告去。至天津。聞京師被兵。留不行。上疏極言體仁奸邪。致刑政乖舛。及宦官不宜總軍務。凡數百言。帝怒斥為民。補十年。正月。張獻忠等自襄陽順流東下。犯安慶。連營百里。詔左良玉馬嶺劉良佐合兵往援。大破賊。賊復出太湖。敗官軍於鄆家店。殺參將四十餘人。遂陷和州。劉良佐赴援。賊始遁。獻忠入湖廣。補二月。清兵攻朝鮮。克王京。圍國王李侗於南

崇禎二年二月

明毅宗

一八



朝鮮  
降于

楊言增補元明史卷四

兼責也。

漢山城已復破江華島倭遂出降。補三月以楊嗣昌為兵部尚書。嗣昌有口辯帝以為能所奏請無不從議大舉平賊分各省官軍為四正六隅隨賊所向征討因增兵十二萬增餉二百八十萬民大困怨帝下詔有暫累吾民十年除此腹心大患語時福建巡撫熊文燦大言自詭足辦賊嗣昌薦之命總理南京河南山陝川湖軍務文燦大募粵人及烏蠻善火器者以從已見賊勢盛連疏言招撫帝譙讓嗣昌乃條上用兵

事宜尅期明年二月平賊然文燦終主撫新增餉多資以撫賊嗣昌陰上之明年以滅賊踰期請貶削洪承疇等秩而置文燦不罪。補十月李自成窺蜀中空虛乘間陷寧羗破七盤關分三道入蜀總兵官侯良忠禦之於綿州戰死遂連陷諸州縣進逼成都洪承疇等帥兵來援自成乃由洮州入番地官軍轉戰千里不解甲者二十七晝夜自成引殘卒竄入岷州。補十一年正月裁南京冗官。補四月副將孫應元等連敗

票已曾補元明史各卷四

明毅宗



本言地... 卷四

賊於鄭州賊謀犯江北應元等扼其前復連敗之賊渠劉國能馬士秀先後詣熊文燦降張獻忠為左良玉所敗亦乞降良玉知其詐請急擊之文燦不聽而受之補九月清兵分路入墻子嶺青山口薊遼總督吳阿衡防之戰死監視中官鄧希詔遁走復盧象昇督宣大山西兵入衛補十月盧象昇至帝命與中官高起潛督援軍大學士楊嗣昌與起潛主和象昇主戰議不合清兵分三路南下補李自成復謀犯蜀馬科賀

閩音分切音焚快也情不滿足

人龍拒之乃走漢中又為左光先所扼其黨皆降惟自成東遁洪承疇設伏於潼關之南原大破之自成妻女俱失從數騎遁商洛時關中賊略盡張獻忠已降惟羅汝才等十餘部往來豫楚窺陝西亦以求撫給熊文燦孫傳庭復敗之於閩鄉尋得文燦止兵檄快快而還未幾承疇傳庭皆入衛北行賊遂不可制補十二月清兵已陷幾輔城數十前大學士高陽孫承宗死之轉戰至山西總兵王樸引兵還鎮盧象昇引軍

票已曾補元月各條二日

明毅宗

二十一



年十二

至鉅鹿高起潛擁關寧兵在雞澤相距五十里。象昇遣使乞援不應行全蒿水橋力戰死。補十二年。二月。清兵北而至天津先是劉宇亮自請督察軍情抵保定聞盧象昇敗懼甚急趨普州不敢戰。清兵出青山口東歸帝逮治失守封疆諸臣三十六人同日棄市。補四月。總兵左良玉敗賊於鎮平關。補張獻忠在穀城擁兵索餉日肆劫奪至是復叛毀穀城陷房縣左良玉等追至羅猴山遇伏大敗時李自成亦出收餘衆往

年十三

渠猶魁也。

依獻忠。補八月。詔逮熊文燦論死。以左良玉有大將才拜平賊將軍討賊張獻忠屢敗於興安求撫不許其黨多來歸軍聲頗振。補十三年二月。左良王大敗張獻忠於太平斬賊渠十六人。補十四年正月。張獻忠與羅汝才合敗官軍於夔州賊勢大張轉戰入蜀中越成都陷瀘州入巴州官軍追擊之於黃陵城賊密遣精卒行篋谷中乘高馳下左良玉軍先潰參將劉工傑等戰死賊遂席卷東出四川。補李自成自鄖陽攻

年十四



王成洛成手  
殺福陽陷自

王襄忠張  
貴陽王殺獻

拐虛婦切  
虛也正字  
通人饑曰  
得腹  
勺音酌挹  
取也

洛陽陷之殺福王常洵先是援兵過洛者喧言

先帝困天下以肥王今王府金錢山積乃令吾輩  
挈腹死賊尚書呂維祺勸王散財餉士不從  
至是官軍引賊陷城維祺被執不屈死賊殺王  
勺其血雜鹿肉以食曰福祿酒火王府散金以  
賑饑民補二月張獻忠偵襄陽無備自率輕騎  
一日夜馳三百里殺將吏奪軍符給入襄陽城  
夜半從中起縱火城陷賊縛襄王翊銘屬酒曰  
吾欲借王頭使嗣昌以陷藩伏法遂與貴陽王

常法同遇害參議張克儉遊擊黎民安等死之  
初大學士楊嗣昌與左良玉督師討賊踵襲熊  
文燦故智主招撫賊勢益張不可收拾遂至喪  
兩親藩時嗣昌自蜀旋師至荊州沙市聞城陷  
二王殉難憂懼不食死補三月清兵圍錦州補  
五月帝召對廷臣語及福王泣下大學士范復  
粹曰此乃天數帝曰雖氣數亦賴人事挽回復  
粹不能對尋致仕去補七月錦州圍久洪承疇  
調吳三桂等率兵十三萬進次松山皇太極自

票已曾補元月史各卷四

明毅宗

三十一



才言... 補

督戰大敗官軍。吳三桂等夜遁。軍士死者無算。總兵官曹變蛟走入松山。與承疇堅守。補八月。張獻忠棄襄陽。連陷樊城。當陽。諸州縣。左良玉從南陽間道進兵。大破之。信陽降。其眾數萬。獻忠被重創。東遁。時羅汝才既合李自成。自成踞河雒。有眾五十萬。獻忠眾散。且盡。走依自成。自成欲殺之。羅汝才曰。不如留之。使擾漢南。分官兵力。乃給以五百騎。俾遁去。獻忠東馳入霍山。補十一月。李自成既破河南。勢大盛。移兵陷南

李自成  
唐王  
十五年

陽。殺唐主聿鎮。總兵官猛如虎死之。賊再攻開封。補十五年。二月。松山圍久。食盡。督師范志完不能救。城破。巡撫邱民仰。總兵官曹變蛟等死之。洪承疇與總兵祖大樂皆降。清寧遠關門。勁卒盡喪。錦州亦下。補五月。張獻忠復出。攻舒城。據之。連陷廬州。六安等。諸州縣。南京大震。補七月。開封圍急。帝命左良玉赴援。良玉見賊盛。一夕拔營走襄陽。眾皆潰。補九月。巡撫高名銜議決河灌賊。賊偵知之。移營高阜。驅難民數百。決

票已曾補元月史各卷四

明毅宗

二二三



中原禍亂極

河河水自北門入貫東南門出廬舍人民蕩盡賊乃拔營西去時河南郡邑無不殘破朝廷不復設官遺黎多結寨自保或降賊或受朝命復互相吞併中原禍亂於是為極明年夏帝乃下詔蠲租赦罪已不可為矣補十一月清兵入薊州連陷畿南山東州縣時關內外並建二督又設六巡撫八總兵星羅碁置無地不防而事權反不一警報至急徵諸鎮入援而清兵已陷薊州分道南下河間以南多失守至山東魯王以

十六年

李自成自號奉天倡義大元帥

派自殺補十六年正月李自成陷承天自成初無遠圖所得城邑輒焚燬棄去及灌開封席捲河南群賊皆來附有眾百萬始侈然以為天下莫與爭思擅名號遂犯承天焚獻陵徇下旁近州縣自號奉天倡義大元帥稱羅汝才代天撫民德威大將軍自成尋襲殺汝才并其眾攻襄陽曰襄京據之設官屬補五月張獻忠連陷蕪黃武昌執楚王華奎以復輿沈之西湖大殺楚宗及居人浮屍蔽江獻忠遂稱武昌曰京城設

獲竹輿也

票已曾補元月廿各

明毅宗

二二日



六部五府據之補八月。清主皇太極殂。壽五十。二是為太宗其第九子福臨。年甫六歲。即位。初其母妊時。夢一神人抱一子授之。曰：此紘一天下之主也。母受置膝上。其人忽不見。既寤。以語太宗。太宗曰：是異祥。子孫大慶之兆也。已生而神靈。志量非常。至是即位。改明年為順治元年。叔父和碩睿親王多爾袞。理國事。稱攝政王。補十月。李自成破潼關。遂陷西安延安。諸郡分兵四掠。所至風靡。乃詣米脂祭墓。改延安曰天保。

十七年

李自成稱王

府屠鳳翔。傳檄榆林。參將劉廷傑與總兵尤世威王世欽等集眾城守。血戰七晝夜。婦人孺子皆發屋瓦擊賊。城陷。無一降者。賊遂乘勝陷寧夏慶陽甘州。三邊俱沒。○十七年正月朔。大風霾。陽城地震。○李自成僭稱王于西安。國號大順。改元永昌。補先是張獻忠自湖南入江西。連陷吉安袁州建昌撫州諸郡。自荊州趨蜀。遂陷成都。蜀中郡縣俱沒。時中原多故。諸將無暇西顧。獻忠遂奄有四川。未幾獻忠以病死于蜀中。

票已曾甫元月史各卷四

明毅宗

二二二



補二月李自成陷太原遣別將犯畿南陷真定  
 帝下詔罪已發帑金五千治守具詔天下勤王  
 左都御史李邦華請南遷及太子撫軍皆不報  
 賊勢急復遣內臣高起潛杜勳等分監邊鎮及  
 近畿要害補先是薊遼總督王永吉請移寧遠  
 總兵吳三桂於關門選士卒策應京師學士陳  
 演等持不可賊逼帝決計行之而軍不能猝至  
 補總兵官周遇吉守寧武關李自成薄之遇吉  
 發大礮殺賊萬人設伏城中誘賊入復殺數千

周遇吉守寧武關死

人城毀復完者再自成悉力攻破之遇吉馬蹶  
 被執罵賊死妻劉氏率婦女登屋射賊自成縱  
 火焚之闔家皆死城中士民無降者自成謂眾  
 曰此去歷大同陽和宣府居庸皆有重兵倘盡  
 如寧武奈何不如且還俟再舉而大同宣府降  
 表相繼至自成大喜遂長驅而東至居庸關補  
 三月李建泰自保定疏請南遷帝召廷臣於平  
 臺諭曰國君死社稷朕將焉往補李自成入居  
 庸關陷昌平攻平則彰義等門城外三大營皆



并請北... 卷四

慎與懼同

京城

古本注明  
史云長平  
公主年十  
六帝選周  
顯尚主將  
婚以冠警  
暫停城陷  
帝入壽寧  
宮主牽帝  
衣哭帝曰  
汝何故生

潰降火車巨礮蒺藜鹿角皆為賊有賊反礮攻  
城仰語守兵曰亟開門否則屠矣守者懼空礮  
向外不實鉛子徒以硝燄鳴之猶揮手示賊退  
乃發○李自成陷京城帝先殺公主次殺袁妃  
周后自經于坤寧宮帝登萬歲山自經補外城  
萬歲山望南城烽火徹天歎息曰苦我民耳遂  
分送太子定王永王於外戚周田二家劍擊公  
主令皇后自盡翌日昧爽內城陷鳴鐘集百官  
無至者帝復登山書衣襟為詔曰朕涼德藐躬  
上于天咎然皆諸臣誤朕無面目見祖宗自去  
冠冕以髮覆面任賊分裂勿傷百姓一人以帛  
縊於山亭太監王承恩從死自成擗雙縹衣乘  
鳥駝馬入承天門登皇極殿據御座大索帝后

降賊

我家以劍  
揮師之期  
左臂文何  
昭仁公上  
越五日長  
下公上復  
避清順治  
二年上書  
言願髡緇  
諸不許命  
顯復尚公  
諭年病卒  
京德薄德  
也穎躬小  
躬也  
學要云宮

期百官三日朝見朝廷制度任意紛與諸臣死  
節者數十人官人魏氏等三百餘人俱赴御河  
死賊斃帝后以柳棺置東華門外羈太子及定  
王永王於宮中襄城伯李國棟請賊葬帝以天  
子禮斬衰徒步從之○賊之入居庸關也太監  
杜之秩迎降賊騎薄彰義門太監杜勳縋城上  
入見大內張皇賊勢語守堦輩曰吾黨富貴自  
在也是夕太監曹化淳開門降內臣殉難者惟  
王承恩一人已○殉難之臣范景文倪元璐施  
邦曜凌義渠王家彥孟兆祥馮世奇劉理順吳  
麟徵周鳳翔汪偉吳甘來王章陳良謨陳純德

票已曾甫元月史各卷四

明教宗

三十一



人費氏年十六投管

并賊鈞出之見其疾

容爭相奪費氏給曰我長公主也若不得

無禮群賊自見自成

自成舍內官齊之非是賞部校

羅賊曹氏復始曰我實天潢後

義難詩合惟將軍擇

遂縞素發哀乞師于清討賊

遼東總兵平西伯吳三桂聞京師陷帝后殉難

文炳鞏永固張慶臻衛時春王國興李若珪高

文承陳貞達毛維張劉忠嗣金毓峒李守鏗蔡

懋德盛應時徐有聲李若葵輩數十人○四月

趙譔巡許直成德金鉉于騰蛟姚成宋天顯李

邦華滕之所阮文貴張應選張世禧李國楨劉

補李自成駐兵永平吳三桂使人議和

並請太子自成命其將張若麒奉太子赴三桂

軍中請各止戰三桂允之既盟自成旋師三桂

整軍而行移檄播告遠近自成聞報驅百姓于

田後葬於用貴如墓

吳三桂討

首成禮賊見東宮而降而山不意盡行砍殺賊將負重

喜置酒極傷逆歸三桂致書絕父云兒以父陰熟開義訓

歡費氏懷得侍罪戾行日夜勵志莫得一當以酬聖養側

利父俟賊開聖王晏駕臣民慘辱不勝此裂猶意吾父素

醉斷其喉乃應忍偷生訓以非義父既不能為忠臣兒亦

因自知安為孝子乎自成怒即盡戮其家口三十餘人

明李道開率兵往戰三桂痛哭誓師令其兵皆剃髮擊賊

云李國楨請勿犯陵寢敗殞先

帝后多害太子二王

三事賊並諾乃易他棺葬以帝祭以玉數

票已曾補元月史各卷四



本言... 卷四

之斜。惟國相一人往。送國相隨。自殺。擊要云。初。明吳三桂。奉詔入援。至山海關。聞燕京陷。猶豫不進。自成執其父袁令作書。遣三桂欲降。至。奮擊破之。又追破之于定州。自成屯真定。防三桂。又屢敗。西走入山西。三桂以兵逐之。自成數戰不勝。遂棄山西。走西安。三桂還軍京師。清晉

清多爾袞入武英殿受朝

乞降於我朝。求共討。

爵為平西王。補初三日。京城傳呼。皇太子至。百官迎候於朝陽門外。駕至。則清攝政王多爾袞也。多爾袞入武英殿。受朝賀。問漢官何人最賢。衆舉李明睿。對命為禮部左侍郎。明睿以病辭。多爾袞曰。爾朝皇帝尚未收斂。明日即欲令京城官民等哭臨。無神主。以何哭臨。無謚。號何以題神主。明睿聞言。太慟。多爾袞義之。即命議謚於朝房。謚帝為懷宗。端皇帝。周皇后為烈皇后。萬姓哀號三日。尋命造陵。明睿經營相度。不十

票已曾補元月史各卷四

明毅宗



清主

入都

于燕

已下

都增

新入要領

本詳補元明史卷四

竣說文止也

日竣事多爾袞出示京城令官民除服剃頭衣冠悉遵清之制清主遂入都于燕京福王之於南京諡帝曰毅宗烈皇帝周皇后曰孝節皇后帝由松福王常洵子神宗孫也崇禎十七年四月京師陷毅宗殉社稷時由松避賊舟次淮安南京府部科道等官會議推戴討賊遂立為帝

○五月帝即位召兵部尚書史可法戶部尚書高弘圖鳳陽總督馬士英等入閣辦事其他進官有差可法請督師江北士英專國○設淮揚

鎮設四

徐泗鳳壽滁和四鎮以劉澤清高傑劉良佐黃得功轄之傑舊賊將也通李自成妾邢氏挈之來降陝督孫傳庭命傑與白廣恩為前鋒二將各不相下遂潰傑由山西河北率兵南下大肆劫掠抵揚州揚人不納傑攻之史可法曲解之久之始移駐瓜州去良佐開鎮臨淮士民不服互訐得功薄廬又提兵與傑爭淮揚戰不勝以太僕少卿萬元吉監江北軍解之元吉貽得功書期共戮力王室得功自明無他欲聯絡各鎮

票已曾甫元月史各卷四

明由松

三十



標下猶麾下也。

鼓勇殺賊元吉以得功書馳示傑等始罷兵隸  
 傑可法標下為前鋒總兵官○史可法馬士英  
 各奏吳三桂殺賊功封三桂薊國公○清兵西  
 伐李自成斬其將劉宗敏甲見秀等賊眾大潰  
 自成棄西安南走○加應天巡撫左懋第兵部  
 侍郎經理河北聯絡關東命僉都御史程世昌  
 巡撫應天時山東河北多殺為官響應○馬士  
 英奏薦欽案阮大鍼欽案者魏忠賢逆案欽宗所定也賜冠帶  
 陸見舉朝大駭高弘圖請下九卿會議呂大器

响以響同

閩浙  
金花  
銀兩

尼止也。顏師古曰。報云天子已聞其所。之書而。羅之令歸。五雜俎曰。今天下漕粟之費數百萬有奇。而上供御用者名為金花亦四百萬有奇。

層兆恒等連疏糾不聽太鍼召對稱旨竟用  
 江防兵部侍郎○左都御史劉宗周御史李模  
 等疏論時事弊其辭痛切或為馬士英尼不得  
 上或報聞而已○遣太監王肇基督催閩浙金  
 花銀兩肇基原名坤即崇禎朝肆惡淮陽者也  
 大學士高弘圖等諫止之○湖廣巡按御史黃  
 澍同承天守備太監何志孔入朝求召對既入  
 澍面糾馬士英好貪不法淚與語下志孔復前  
 佐澍言其無上諸事士英稱疾出直而以金幣



嘿與默同

山東 清 子 太妃 來自 河南

餽福邸舊閣田成張執中等兩閣向帝曰主上非馬公不得立茲逐馬公天下皆議主上背恩矣且馬公在閣諸事不煩主上可以優閒自在馬公去誰復有念主上者帝嘿然即賜諭留澍復連上十疏爭之帝屢諭趨澍赴楚乃去○六月清人傳檄至濟寧山東降于清李建泰謝陞馮銓降皆為清內院大學士○時朝廷舉措失人賞罰乖章上宸陳子龍等諫疏荐上俱不聽○八月太妃來自河南帝諭戶工部限三日內

約大約大率也

○九月子北京餽難諸臣議贈官有差

搜括萬金以給賞賜太監諸朝進請給工料銀糧約數十萬工部尚書何應端等苦點金無術懇祈崇儉工科李清亦疏請節省不聽又詔選內員選宮女聞巷騷然科道李維樾等疏諫亦不聽○加翼戴恩史可法馬士英各進官有差○淮楊屢請餉帝以東南餉額不滿五百萬江北已給三百六十萬豈能以有限之財供無已之求命淮撫田仰與劉澤清通融措辦時澤清大興土木造宅淮安無意往北仰與其事仰故



精言地補元明史略卷四

行納 貢例 立開 納助 工例

廩生謂諸生受廩米者也

拔貢謂拔貢之京學者也

馬士英，私人也。士英請免府州縣童生應試。上戶納銀六兩，中戶四兩，下戶三兩，得赴院試。又詔行納貢例，廩生納銀三百兩，增六百兩，附七百兩。又立開納助工例，武英殿中書納銀九百兩，文華中書一千五百兩，內閣中書二千兩，待詔三千兩，拔貢一千兩。推知銜一千兩，監紀職方萬千不等，皆以助軍興也。時為之語曰：中書隨地有，都督滿街走，監紀多如羊，職方賤似狗，磨起千年塵，拔貢一呈首，掃盡江南錢，填塞馬

清多 爾致 可法 致史

楚申包胥 入秦求援 哭庭七日 見左傳

家口奉化，布衣方翼明，何光顯等抗疏請誅。士英劉孔昭詔戮於市，籍其家，遠近為訟。寬十月，命鑄弘光錢。○清攝政王多爾袞致書史，可法其略云：比聞道路紛紛，多謂金陵有自立主者，夫君父之仇，不共戴天，春秋之義，有賊不討，則故君不得安葬，新君不得即位，所以防亂。臣賊子法至嚴也。闖賊李自成稱兵，犯闕，手毒君親，中國臣民不聞加遺一矢。平西親王吳三桂獨效包胥之哭，朝廷感其忠義，嚴整貔貅，驅

明史紀事本末卷四

明由松

三十三



貌貅猛獸  
豹屬言兵  
卒也  
鳥獍指李  
自成獍音  
板食父獸  
鳥食母鳥

馳鳥獍入京之日。首崇懷宗帝后謚號。卜葬山陵。悉如典禮。勛戚文臣咸在朝列。恩典有加。耕市不驚。秋毫無犯。方擬遣將西征。戮力同心。以報爾君父之仇。彰我朝廷之德。豈意南州諸君子。苟安旦夕。頓忘寔害。予甚惑之。夫國家之定。無都乃得之。於闖賊而非得之。於明朝也。賊毀明朝之廟主辱及先王。國家不憚征繕之勞。悉索敝賦。代為雪恥。萬世闖賊。但為明朝寇慝。未嘗得罪於國家。徒以薄海同仇。伸大義。今若擁

漢宣帝時  
渤海盜起  
冀遂曰海  
濱遐遠不  
沾聖化其  
民飢寒而  
吏不恤使  
陛下赤子  
盜弄兵於  
潢池中耳  
注云潢池  
潢汚行潦  
水尚書益稷  
篇曰虞賓

稱尊號。僂是天有二日。復為勅敵。予將簡西征之銳卒。轉旆東征。且擬釋彼重誅。命為前導。夫以中華全力。受制潢池。而欲以江左一隅。兼支大國勝負之數。無待著龜。諸君子果識時知命。切念故主厚愛賢王。宜勸令削號歸藩。永綏福位。朝廷當待以虞賓位。在諸侯王。上庶不負朝廷伸義討賊興滅繼絕之初心也。昔宋人議論未定。兵已渡河。可為殷監。取舍從違。應早審定。兵行在即。可東可西。南國安危在此一舉。願諸



在位群后  
德讓

宋欽宗紀  
云李邦彥

史可  
法答

兵敬等專  
主和議論

不致虜  
有待汝議

論定時我  
已渡河之

譏  
南樞謂南

京樞密院  
也

突忽也  
泄泄孟子

注云怠緩  
悅從之息

君子同以討賊為心無貪瞬息之榮致令故國

有無窮之禍為亂臣賊子所笑可法答書略曰

我大行皇帝敬天法祖勤政愛民真堯舜之主

也以庸臣誤國有三月十九日之事法待罪南

樞救援無及師次江上凶信突來地折天崩川

枯海竭嗟呼人孰無君雖肆法於市朝以為泄

泄者戒奚足慰先帝於地下哉爾時南中臣民

哀慟號泣無不拊膺切齒愿悉東南之甲之剪

凶仇而二三老臣謂國破君亡宗社為重相與

迎立今上以繫中外人心羣臣勸進今上退然

不自勝迨臣民伏闕屢請始進位南都遂命法

視師江北刻日西征忽傳我大將軍吳三桂借

兵貴國破走逆成殿下入都為我先帝后發喪

成禮掃清宮殿撫輯羣黎且免薙髮之令亦不

忘本朝此舉動也振古鑠今凡為大明臣子無

不長跪地而頌禮加額今辱明諭引春秋木義

來相詰責善哉推而言之此又為列國君薨世

子應立有賊未討不忍死其君者之說耳若夫

愿願也

鑠盛也

票已曾甫二月廿四

明由松

三十一



天下共主身殉社稷青宮皇子慘變非常而拘  
牽不即位之說坐昧大一統之義中原鼎沸倉  
卒出師將何以維繫人心號召忠義紫陽綱目  
踵事春秋其間特書莽移漢祚光武中興不廢  
山陽昭烈踐祚懷愍亡國晉元嗣基徽欽蒙塵  
宋高纘紆是皆於國仇未報之日亟正位號綱  
目未嘗斥為自立卒以正統與之本朝傳世十  
六正統相承自治冠帶之屬繼絕存亡仁恩遇  
被貴國夙膺封號載在盟府殿下豈不聞乎乎

手足膺難  
而如秦人  
視越人之  
肥瘠言貌  
然無情也  
規規求也  
幅員謂四  
境也  
李自成此  
時在秦中

痛心本朝之難而驅除亂逆可謂大義復著春  
秋昔契丹和宋多輸以金縉回紇助唐原不利  
土地况貴國篤念世好兵以義動萬代瞻仰在  
此一舉若夫手足膺難并同秦越規此幅員為  
德不卒是以義始而以利終貽賊人竊笑貴國  
豈其然乎今賊未伏天誅捲土西秦方圖報復  
此不獨本朝不共戴天之仇抑亦貴國除惡未  
盡之憂伏惟堅同仇之誼全始終之德合師進  
討問罪秦中共梟逆成之頭以洩敷天之恨則



貴國義聞千秋。本朝固惟力是視。從此兩國世  
 通盟好。傳之不窮。不亦千載一時哉。若夫牛耳  
 之盟。封本朝使臣久已載道。不日抵燕。奉盤盃  
 以從事矣。法此望陵廟無涕。可揮身陷大戮罪  
 應萬死。所以不即從先帝者。寔為社稷之故也。  
 殿下伏賜聖鑒。○時災異叠見。又廟門告火。帝  
 深居禁中。惟漁幼女飲火酒。雜伶宦演戲為樂。  
 修興寧宮。建慈禧殿。大工繁費。宴樂賞賜。皆不  
 以節。國用匱乏。搜括殆盡。馬士英濁亂國政。遂

大酒言燒  
 耐也

警日備而主不知。小人乘時射利。識者已知不  
 堪且夕矣。○十一月。朱可法紗兵抵白洋河。清  
 兵入宿遷。可法救之。隨拔營去。○高傑抵徐州。  
 時河南巡按陳潛夫告清發兵一往山西。一往  
 徐州。一往河南。豫主多鐔。將從孟縣過河。傑與  
 劉澤清書云。清發一王子領兵齊駐濟寧。開封  
 上下北岸。俱是兵衆。問渡甚急。惟恐彼越渡。  
 則天塹失恃。長江迤北。盡為戰場。時事到此。命  
 人應接不暇。惟有殫心竭力直前。以報國恩。而



晉書紀事卷之四十四

晉孝武紀云泰遣兵分道寇晉陷諸郡云云或謂晉有長江之險將堅曰以吾之衆投鞭於江可斷其流

高傑

已○馬士英疏稱清兵雖屯河北然賊勢尚張不無後慮豈遂投鞭問渡乎况強弱何常赤甓三萬泚水八千一戰而江左以定况國家全盛兵力萬倍於前廓清底定愿諸臣刻厲之也○清副將唐起龍其父唐虞時致書高傑勸其早斷速降有大者王小者侯不失如帶如礪世世茅土之語傑不聽身先士卒沿河築壘竭力備禦時有徐州通賊程維孔斬水編筏引兵渡河偽投傑降傑誘斬之收其衆○清兵至夏鎮別

由濟寧南又從維陽渡河攻海州圍邳州榮可法高傑劉澤清等各告急不應○十二月都督陳洪範南還先是洪範與左懋第等至德州清撫臣方太猷示以攝政王命有來使不必敬語止許百人赴京朝見懋第欲先謁陵後進見多爾袞不許乃遙祭先帝入京館鴻臚寺內院剛林責懋第等以江南不應更立天子懋第不屈洪範降懋第請祭告諸陵改葬先帝皆不許乃陳太牢於寺堂哭祭之遂放歸至滄州復

票已曾甫元月之各卷之四  
明由松



弘光元年  
其趙

遣兵追執懋等北去。放洪範至是歸稱清兵萬分緊急。臣夕南下馬士英惡之曰有四鎮在何慮焉。○時賊窺突禹州襄城等處各鎮擁兵不進。惟高傑提兵二萬大敗之。副將劉鉉總兵劉洪起等斬獲最多。○除夕帝在興寧宮色怒不怡。司禮韓贊周言新宮宜懼。帝曰梨園殊少佳者。贊周泣曰臣以陛下令節或思皇考或念先帝乃作此想耶。○弘光元年正月戶科吳适上言維新五事。一曰信詔旨。二曰核人才。三曰

維新  
五事

奠定也。

儲邊才。四曰伸國法。五曰明言責。疏入不省。○高傑防河疏請重兵駐歸德東西兼顧聯絡河南總兵許定國以奠中原。定國在睢州傑遣定國銀幣抵睢州。定國與傑有隙乃張宴享傑夜半伏兵起殺之。親兵遇害者過半。餘眾潰還定國奔清。○加監軍衛胤文兵部侍郎總督傑軍。史可法請以傑部將李本身為提督不允。○黃得功復來爭揚州。帝諭大臣當先國事而後私憾。得功向揚州致高營兵將棄信東顧設虜渡

票已曾補心月史各卷四

明由松



明史紀事本末卷四

高陽王之明詐冒太子

供言白罪狀也

河罪將誰任命。衷可法鎮撫之。得功。因汎。○三  
月。禮部請上先帝太子謚。曰獻愍皇太子。永王  
曰永悼王。定王曰定哀王。未幾。鴻臚寺少卿高  
夢箕密奏先帝太子在浙。乃召至。寓僧寺。令內  
員迎入宮。內員歸報不寔。傳文武官識認。大學  
士王鐸給事中戴英詰問之。知其詐冒。曰以寔  
告當救。汝即跪請救命。授以紙筆。供稱高陽人  
王之明。係駙馬王島侄孫。家破南奔。遇高夢箕  
家人穆虎。教以詐冒東宮。帝流涕曰。朕未有子。

故妃童氏

東宮若真。即東宮矣。明日戴英等具奏王之明  
偽假太子。非稚年所能辨。必有大奸挾為奇貨。  
宜勅法司根究。御史陳以瑞又奏。愚民觀聽易  
惑。道路籍籍。皆以諸臣有意傾先帝之血胤。帝  
諭將王之明好生護養。勿驟加刑。俟正告天下。  
愚夫愚婦皆已明。然後申法。越三日。集文武百  
官。舉監生員耆老於午門外。鞠之。夢箕穆虎皆  
具服。如之明言。下之明刑部獄。而京師士民謬  
以太子為非偽也。○又有故妃童氏。自越其傑。

票已曾甫元月各案四

明由松

四十一



所至命付錦衣衛監候。帝初為世子，有妃李氏。洛陽之變，童氏本周府官人，逃亂至蔚氏縣，遇帝於旅邸，相依生一子，已六歲。賊破京師，帝南奔，各不相顧。太妃與妃各依人自活。南妃故在，帝不召。至是自來，帝不悅。馬上英言：苟非至情，所關誰敢與陛下稱敵體？宜迎童氏歸內。密諭河南撫按迎致皇子，以慰臣民之望。以清奸宄之心。童氏在獄，細書入官。月日相離情事，呈覽。帝棄去弗視，尋命屈尚忠嚴刑酷拷童號。

童氏  
庚死  
獄中

庚死  
卒死

左良  
王乞  
誅馬  
王英

呼詛罵，遂庚死獄中。三月，許定國引清兵入儀封，李本身劉洪起馳斬定國先鋒劉道行，清兵入考城，尋破歸睢。巡按御史凌駟死之。清兵進逼江北，直陷徐嶺，總兵李成棟南遁。四月，寧南侯左良王舉兵東下，馳疏上言：馬士英奸邪亂國政，列其七大罪，乞誅之。又傳檄聲其罪，中外囂然。士英大懼，京師戒嚴。時左良王兵由九江安慶至建德，順流而下。調黃得功、劉良佐、離汛、劉孔昭、阮大鍼等同禦之。劉澤清亦托

汛曾鎮也

票已曾補元月史各卷四

明福王

四十一



本高... 卷四

四十一

勤王率兵南行揚泗徐碭勢同鼎沸史可法連  
疏告警帝曰上游急則赴上游北兵急則赴北  
兵自是長策可法曰上游不過欲除君側之奸  
原不敢與君父為難若北兵一至宗社可虞不  
知輔臣何意朦蔽至此乃移書士英懇其選將  
添兵士英惟以左兵為慮不應○時帝惟以選  
淑女為急先是應天府選三名不中司禮監又  
選六名亦不中特遣內監甲壯國往杭州選到  
陳氏王氏李氏三人進元暉殿○清兵已徇徐

碭下臺泗乘勢渡淮如入無人之境帝召對羣  
臣馬士英力請亟禦左良玉大理寺卿姚思孝  
工部吳希哲等皆言淮揚最急應亟防禦帝諭  
士英左良玉雖不該與兵以逼南京然看他本  
上意思原不曾反叛如今還該守淮揚不可撤  
江防兵士英厲聲指諸臣對曰此皆良玉死黨  
為遊說其言不可聽臣已調得功良佐等渡江  
矣寧可君臣皆死於清不可死於左良玉手瞋  
目大呼有異議者當斬帝嘿然諸臣咸為咋舌

諛猶當也  
池北偶談  
云左良玉  
偃蹇武昌  
不奉朝命  
其東下以  
討馬阮為  
名實叛逆  
也  
咋舌也

標記曾補元月史各卷四

明福玉

四十一



史可法戰死

○清兵攻揚州。史可法禦之，頗有斬獲。攻益急，血奏請救，不報。可法開門出戰，清兵破城入屠。揚州可法死之。兵部尚書張伯鯨被執不降，身被數創，自剄死。妻楊氏、媳郝氏從之。○明日，帝召羣臣問遷都計。禮部尚書錢謙益言不可。馬士英請調黔兵入衛，辦走貴陽。吳希哲等力諫，乃止。○召黔兵一千二百名入城，住雞鳴山房。○左良玉舉兵，不數日病死。子夢庚東下，至承石為黃得功等所敗。尋聞清兵信，急引還。○五

帝出奔馬士英奉太后走浙

月清兵既破揚州，沿江問渡，惟靖虜伯鄭鴻逵一旅守於京口。清兵編筏張燈，向鎮江而別。由老鵝河渡，盡抵南岸。鄭兵揚帆東遁。○初十日，閉京師各城門，晝晦，大風猛雨。午後猶集梨園，入內演戲。帝與諸內臣裸坐酣飲，一鼓出奔。五鼓，馬士英奉太后，召黔兵護衛，走浙。黎明，內門不閉，宮女襍走。於是各官奔竄。○忻城伯趙之龍閉各城門，以待清兵。居民競殺城內外黔兵，無有逸者。○有監生趙某率市人百眾出，王之

票已曾甫元月史各卷四

明福王

四十三



明於獄擁入官中登殿鳴鐘百官莫有至者王之明粘示皇城略云先皇帝丕承大鼎惟茲臣庶同共甘苦胡天不祐慘罹奇禍凡有血氣裂眦痛心泣予小子分宜殉國思以君父大仇不共戴天皇帝基業汗血匪易忍垢匿避圖雪國恥幸文武先生迎立福藩予惟先帝之哀奔投南都寔欲哭陳大義不意巨奸障蔽至櫻桎梏予雖幽獄無日不痛絕也福王聞兵遠遁先為民望其如高皇帝之陵寢何泣予小子父老人

櫻。罽也

皇猷猶大

民圍抱出獄擁入皇宮予身負重寃豈稱尊南面之日乎謹此布告在京勳舊文武先生士庶人等念此痛懷勿惜會議予當恭聽共抒皇猷勿以前日有不識予之嫌惜爾經綸之教也○帝駐太平府二十里外黃得功阮大鍼等來見欲入太平大平民不納往蕪湖總兵官黃賦鄉遁登中軍翁之琪舟將往浙○清豫王多鐸已薄都城趙之龍同王之明出降多鐸入京劉孔昭劉澤清遁劉良佐降奉多鐸命追帝至蕪湖



帝囚  
於江  
寧縣

明季遺聞  
云死不知  
名者投秦  
淮河中  
小璫百川  
橋下乞兒  
也小璫以  
色幸幸以  
身殉兒兒  
題詩橋上  
有云二百  
年來養士  
朝如何文  
武盡皆逃  
網常留在  
悲田院乞  
一修

及之且召黃得功得功不從良佐伏弩射中得  
功喉得功創甚拔劍自刎良佐挾帝去翁之琪  
投水死帝見多鐸於內守備府尋囚於江寧縣  
多鐸分兵略定各屬張捷楊維垣等前後殉難  
者數十人○前遣使臣左懋第在北聞江南陷  
七日不食清攝政主多爾袞召見數之懋第不  
對惟請一死命薙髮堅不肯遂殺之題絕命詩  
有云峽坼巢封歸路餘片雲南下意如何付丹  
冷魄消難盡蕩作寒煙總不磨○清豫主多鐸

既定江浙挾帝及王之明歸北京閏六月唐王  
立于福州

帝聿劍太祖後也封南陽為唐王初以父歿失  
愛於祖兩叔謀奪嫡未得請名及祖薨王薨守  
道陳奇瑜知府王之柱為之請嗣後以紗兵勤  
王擅離南陽錮高牆會赦出性率直喜詩書手  
草傳檄五月清兵渡江南都弗守總兵官鄭鴻  
達鄭彩撤師回閩會唐王從河南來奉之俱南  
至福州與福建巡撫張肯堂巡按御史吳春枝

肯與同  
苦等坂

標記曾補元明史各卷

明唐王



諍諫也

濟濟盛貌  
談女志切  
累也託也

禮部尚書黃道周南安伯鄭芝龍等共會議立  
之為監國王鴻逵請正位不然無以厭眾心而  
杜後起芝龍意別有在固諍以為不可不數日  
即定議即帝位改福州為天興府○六月封鄭  
芝龍為平虜侯鄭鴻逵定虜侯其他進官有差  
於是敷求耆碩招選賢才閣臣至三十餘人然  
俱問無事不令崇旨皆帝親為之○時内外文  
武濟濟然兵餉戰守機官專談鄭芝龍為政芝  
龍幼習海知海情凡海盜皆故盟或出門下自

船頭曰舳  
船尾曰櫓

鄭氏  
貴振  
于七

鄭森  
初見

就撫後海船不得鄭氏令旗不能往來每船  
例入三千金歲入千萬計芝龍以此富敵國自  
築城於安平鎮艦舳直通卧內其守城兵自給  
餉不取於官旗幟鮮明戈甲堅利凡賊遁入海  
者檄付芝龍取之如寄以故鄭氏貴振于七閩  
芝龍有弟芝虎勇冠軍昔征劉香沒於海次鴻  
逵次芝豹俱為侯伯一門聲勢烜赫東南芝龍  
有子森芝龍初落魄去之日本娶倭婦生森數  
歲芝龍歸福建就撫以叔劉香功遷都督于是

標記簡補元明史略卷四

明唐王

四十六



賜鄭森改國姓成

聯馬都尉言天子之女婿也

森在倭已七歲矣。芝龍屢請得之。森風儀整秀。倣儻有大志。每東向而望。其母常為季父芝豹所窘。叔父鴻逵獨偉視焉。讀書穎敏。不治章句。先輩王觀光。一見謂其父曰。是兒英物。非而所及也。十五補弟子員。至是年二十三。陛見帝。奇之。撫其背曰。惜無一女配卿。卿當盡忠。吾家無相忘也。賜姓朱。改名成功。封御營中軍都督。賜尚方劍。儀同駙馬。自是中外稱國姓。是年日本送歸其母。○李自成南走到辰州。清兵進攻之。

李自成死

自成營羅公山。倚險築壘。為久屯計。勢彌蹙。食盡。逃者益眾。自成自將輕騎抄掠。清人設伏邀之。殺傷幾盡。自成以數騎突走村落中。求食。邨民共擊殺之。任李過。僅奪其屍。戚邨而還。以袞冕葬之。羅公山下。賊諸將奉李過為首。渡湖入險山中。羣盜俱散。○八月。粵西有靖江王者。稱監國帝。詔至不服。舉兵。將東。廣西巡撫瞿式耜。令總制丁魁楚為備戰。大敗之。擒靖江王及其黨械。至福州。俱斬於市。○先是清兵入浙。



標詳其詳元明史略卷四

魯王 監國 紹興

廷音覺

潞主以城降。蘇松巡撫祁彪佳。左都御史劉宗周等死之。原任大學士高弘圖。流寓紹興城外。逃至野寺。不食死。○時馬士英率所部奉弘光帝。母妃至紹興。紹人士猶未知弘光帝所在。原任九江僉事王思任。上疏請斬士英。○原任山西僉事鄭之尹。子鄭遵謙。與張國維。方逢年等。迎之魯王於台。朱大典亦遣孫珏。上表勸進魯王。監國紹興。國維首疏參馬士英。悞國十大罪。士英懼不敢入朝。時逢年。國維等俱為大學士。

頒詔言唐王即位之詔也

左傳云。雖鞭之長。不及馬腹。猝然暴疾也。

遵謙封義興伯。國維督師。江上賜尚方劍行事。命御史陳潛大監各添鎮兵馬。復富陽。潛等兵馬雲集。會聞中頒詔。至諸求富貴者。爭欲應之。監國下令。返台。士民惶惶。國維星馳上疏於帝。謂國當大變。凡為高皇帝子孫。臣庶所當同心。併力成功。之后。入關者。王監國退居藩服。禮誼昭然。且監國當人心奔散之日。鳩集為勞。一日南拜。正朔鞭長不及。猝然有變。唇亡齒寒。悔莫可追。臣老臣也。豈若朝秦暮楚之客哉。疏出。

票巴曾補元明史略卷四

明唐王

四



浙閩  
天

唐王在閩  
魯王在浙

檄討賊

隆武  
元年

行間言  
伍之間也

議始定而浙閩成水火。○鄭芝龍開府於福州，坐見九卿權勢振于朝，宰相半出門下，集廷臣議戰守，兵自仙霞關而外，宜守者一百七十處，每處守兵多寡不等，給餉不足。芝龍合撫按以下，皆捐俸助餉，又借徵次年錢糧，又人鬻官爵，於是媚優厮隸盡列冠裳，然猶苦餉不足。所招關門兵，不過疲瘠數百人耳。時廷臣請出關者，章滿公車，帝亦欲躬履行間，而芝龍日以缺餉為辭。○隆武元年正月，鄭芝龍日與文官忤然。

鄭芝  
龍日  
與文  
官忤

帝心知芝龍不可恃，卒無以制之。芝龍亦以不出關，無以壓衆心，乃分兵為三，聲言萬人，實不滿千人，令鄭鴻逵、鄭彩出浙東，江西帝做淮陰故事，築壇郊拜而送之。既出關，疏稱餉缺，駐不行，詔書切責，不得已踰關行四五百里而還。○黃道周請募兵江西，江西多其子弟，願俱效死軍前，鄭芝龍不與一錢，帝給空劄百函為行資而已。道周以劄號召門下，得百人居，言安出兵徽州，為清兵所擒，械送江寧，道周絕粒不食，積

票已曾補元月史各卷四

明唐王

四一七



十四日不死。清內院洪承疇惜其才疏救。清主不允。尋駢斬於市。○蔣德璟自請行關察情形。相機督戰。帝許之。比至則疲兵弱卒朽甲鈍戈。一無可為。德璟告病去。而戶部尚書李長倩以餉不繼憂死。泉州知府鄒式金見事不可為。予告去。○吏部郎中趙左成與尚書張肯堂同籍。江南疏言臣等生長海濱。請以水師千人從海道直抵君山。襲取金陵。以迎陛下。計陛下陸行期同會於金陵。帝大喜。亟催鄭芝龍造艘。芝龍

封朱  
成功  
忠孝  
伯

笑諾。事不果。○封朱成功忠孝伯。成功一日見帝。帝愁坐泣。奏曰陛下鬱鬱不樂。得無以臣父有異志耶。臣受國厚恩。義無反顧。臣以死扞陛下矣。○二月帝決意親征。駐建寧。帝意欲徃江右。猶豫未定。而鄭芝龍固請回省。省中人數萬呼擁。謂絕天下望。因駐蹕劍津。當是時兵羸餉絕。當事無談及兵事者。舉朝如夢如醉。不待識者而知其敗壞矣。○清江南招撫使洪承疇福建招撫使黃熙胤皆晉江人。與鄭芝龍同里。芝龍



鄭芝龍  
于通

遙速也

唆喉也勸也

密遣使微行通款而疏稱海寇狎至今三關餉取之臣臣取之海無海則無家非遙征不可拜表即行中使手勅云先生稍遲朕與先生同行及之河則飛帆過延平矣芝龍既去守關將施福盡撤兵還安平聲音缺餉○三月清兵驅船開堰入江監國魯王防之張國維命王之仁紿水師從江心襲戰是日東南風大起之仁揚帆奮擊之國維督諸軍渡江會帝使陸清源賚詔至江犒師馬士英唆方國安斬之且出檄文數

灶與竈同

帝之過國維曰禍在此矣○四月杭州固守堅不可克監國議抽兵屬張國維西征命禮部尚書余煌督師江上○五月清貝勒王屯兵北岸用大砲擊南營碎其中尉鍋灶方國安曰此天奪吾食也夏念帝曾以手勅相招人闕必大用即不支便道可退入滇黔夜遂拔營走至紹興陳兵劫監國南行江上諸師聞報俱潰鄭遵謙携貲入海惟王之仁一軍尚在將由江入海張國維與之仁議抽兵五千分守各營之仁泣曰

標已備前正明史洛卷四

明唐王

五十一



清兵渡江

硃音諸硃示朱書也

壞天下事者非他人方荆國也清兵數十萬屯北岸條然而渡孤軍何以迎敵之仁有船可入海公兵無船速當自為計國維乃振旅追扈監國余煌大張硃示盡啓九門放兵民出走畢正衣冠赴水死○六月清兵渡江方國安馬士英計獻監國降清乃遣人守監國守者忽病監國得脫登海船傳命張國維邊防四邑遂過東陽○清兵破義烏至七里寺張國維具衣冠南向再拜曰臣力竭矣作絕命詩三章從容赴圍池

死王之仁載其妻妾並兩子婦幼女諸孫盡沈於蛟門下獨至松江見內院洪承疇自請就戮西市兵部侍郎陳函輝王忠任等十四人殉難馬士英阮大鍼等猶擁殘兵數請入關帝以其罪大不許士英遁至台州山寺為僧隨為清將搜獲阮大鍼迎降方逢年方國安等剃髮俱降○八月帝自鄭芝龍去後乃定計幸贛州抵順昌聞清兵已及劍津且踵至倉皇騎而奔從行者止何吾騶郭維經朱繼祚黃鳴俊數人已而



貝勒  
斬帝  
及后  
於市

扛荷擔也

何與郭亦散去。帝將入贛州。因停。一日曝龍鳳衣。清兵至。擒帝后及從。駕朱繼祚。黃鳴俊。械至福州。貝勒斬帝及后於市。繼祚為亂兵所殺。鳴俊許授五品官。以老疾辭。先是清兵至順昌。搜龍扛得馬士英。阮大鍼。方國安父子。方遊山連名請駕出關為內應。疏在。已降後。大鍼遊山自投崖死。仍戮尸。士英等四人駢斬。延平城下家眷百餘口。悉給賜兵丁。○九月。清別遣李成棟。韓固山。略興泉汀邵漳州等處。皆陷之。大學

薦紳猶縉紳也

士蔣德璟絕食死之。初清兵未至泉州。鄭芝豹先至。閉城門。大索薦紳富民餉。不應。即梟之。至縛親家母於庭。抵暮得數萬金。俄而韓固山兵至。芝豹奔安平。朱成功母不去死之。○十月。鄭芝龍保安平。軍容烜赫。戰艦齊備。以前遣洪黃之信未通。猶豫未敢迎師。又自恃先撤關兵。無一矢相加。有大功於清。而兩廣素屬部下。若招兩廣以自效。聞廣總督可得。猶南面王也。貝勒合泉紳郭必昌與芝龍最厚者。招之。芝龍曰。我



潘貝 勒以 書招 鄭芝

非不忠於清恐以之王為罪耳會韓固山兵逼安平芝龍怒曰既招我何相逼也貝勒聞乃退固山離安平三十里而軍以書招之其略曰吾所以重將軍者以將軍能立唐藩也人臣事主苟有可為必竭其力力盡不勝天則投明而事乘時建不世之功此豪傑事也若將軍不輔立吾何用將軍哉且兩粵未平今鑄閩粵總督印以相待吾所以欲將軍來見者欲商地方人才故也芝龍得書大喜其子弟皆勸芝龍入海魚

鄭芝 龍降 子清

鄭成 功率 所部 入海

不可脫於淵不願降成功泣諫曰父教子忠不聞以貳且北虜何信之有芝龍曰衆亂之天下一彼一此誰能常之若幼惡識人事遂進降表至福州貝勒握手甚歡折矢為誓命酒飲三日夜半忽拔營起遂挾之而北矣從者五百人皆別營不得見亦不許通家信芝龍謂貝勒曰北上面君乃龍本愿但子弟多不肖今擁兵海上倘有不測奈何貝勒曰此與爾無與亦非吾所慮芝龍既行朱成功乃率所部入海芝龍嘆曰成



欄衫小襦  
無袖端也。

功不來。清朝其道。敬乎使君。憂者必此子也。成  
功雖遇主。列爵實未嘗。一日與兵柄。意氣壯貌  
猶儒生也。迺悲歌慷慨。携所著儒巾欄衫。赴文  
廟焚之。拜先師曰。昔為孺子。今為孤臣。向背去  
留各有作用。謹謝儒服。高揖而去。與所善陳輝。  
張進。施琅。施顯。陳霸。洪旭等。願從者九十餘人。  
乘二巨艦。去收兵南澳。得數千人。文移稱忠孝  
伯。招討大將軍。罪臣國姓。鄭彩。鄭鴻逵。亦率所  
部入海。○張肯堂。沈猶龍等。亦往舟山。依魯王。

○福建既降。十一月。永明王立於肇慶。

帝山。榔桂王之子。為神宗嫡孫。初封衡陽。以寇  
亂徙寓梧。會桂王已薨。永明在衰絰中。先是福  
州既失。兩廣總督丁魁楚與廣西巡撫瞿式耜  
會議監國。兵部尚書呂大器等自閩至。共謀之。  
之以肇慶府署為行宮。推置僚署。有差魁楚大  
器俱為大學士。○十一月。福建舊相蘇觀生等  
遁回廣東。與布政使顧元鏡擁立隆武帝弟唐  
王聿錫。監國年號紹武。會贛州。敗書至。司禮太

紹武

錫音隕。

票已曾甫元月日各各日

明唐王



監王坤起駕移梧避之。瞿式耜謂今日之立為祖宗雪仇耻正宜奮大勇以號遠近苟自儒外棄門戶內隳蕭牆國何以立。爭之不得遂移梧州尋還肇慶乃遣兵科給事彭燿往廣州諭之。警曉倫序監國前後國家仇讐利害觀生等殺燿於市日集兵向肇慶。○十一月清總兵李成棟陷廣州擒唐王允周王益王遼王等盡斬之。誅蕪觀生遂發兵往南韶而親下肇慶瞿式耜聞報請視師督戰士駐峽口王坤復請西避之。

永曆元年

式耜爭之不聽遂駕小艇上西峽。○永曆元年正月朔駕至梧州時。○魁楚從梧西走岑溪王化澄走潯州隨行者止瞿式耜。○人曰。○李成棟攻陷肇慶隨發副將楊文甫張月領兵攻高雷廉三部乃一鼓而入梧州廣西巡撫曹燁出降。○二月帝抵桂林瞿式耜肅殿院勅守禦誕告楚蜀各鎮。○朱成功提帥歸自南澳蕪衆稍集泊鼓浪嶼與鄭彩鄭聯所踞廈門浯洲隔帶水廈門者中左所也。浯洲者金門也。隸同安為

票已曾甫心月也各兵日

明唐



桂言此

五州

扼。搃也

兩島數出兵沿海郡邑大震○丁魁楚在岑溪屯兵千餘清人招之不降清人乃水陸設伏大戰丁兵敗魁楚中箭死濕江平樂及高雷廉三府俱降于清○三月清兵渡海陷瓊州警報登至王坤又趣駕往楚瞿式耜疏爭之言勝敗存亡山川要害甚激切不聽仍請無已身留桂乃命式耜留守桂林各路悉秉節制式耜又請暫駐駕於全州以扼楚粵之中○四月清兵薄桂林徠人文昌門城中人恐時焦璉自全州歸

輶式  
與璉  
孤守  
危城

從數人控弦提刀與清兵接戰稍却之清兵屯陽朔式耜與璉危城孤守疏詣全州徵安國公劉承胤兵承胤發兵數千援桂未幾承胤甚橫脅劫帝幸武崗式耜疏留全陽議不合承胤諸部挾餉不出兵與璉兵主客不和譁變擊鬪掠市而去帝竟駐武崗○五月清兵偵兵變積兩城壞環攻桂城吏士皆無人色焦璉負創奮臂大呼督師分門嬰守用西洋銃擊中馬騎尋出城戰奮勇擊殺自辰抵午不及餐瞿式耜括署

明唐王

明唐王

五十一



左傳隱十一年鄭伯曰不惟許國之為亦聊以因吾國也杜註

國也杜註

播越猶也逃散也

中米蒸飯分哺之士卒俱樂用命明日復出戰  
 清兵旋去式相先命路將馬之驥伏於隔江倚  
 角接應固圍倍慎三月之內危於清亂於兵式  
 相一手指揮底定雖久將桂得桂人心式相國  
 士遇之故獨得連死力○瞿式相上疏請返蹕  
 全陽不聽乃督焦璉復柳潯及梧州具疏上言  
 粵西全定請還桂林時清兵陷長沙而衡州相  
 繼失武崗復敗帝播越入粵次柳州式相屢疏  
 極言不可他移一步柳州搖撞襍處地瘠民貧

明季遺聞士司作上司授士疑去訛

不可久駐時會士司覃鳴珂與道臣龍文男構  
 兵帝復次象州式相與督師何騰蛟等籌畫刻  
 期出師全州戰勝諸帥連營而軍清兵因次楚  
 ○十一月帝自象州抵桂瞿式相與嚴起恒並  
 相○二年二月何騰蛟督師出全兵不睦焦璉  
 下平樂郝永忠壁興安未幾永忠營被襲至闕  
 欲撤兵左右禁近刻期欲帝遷式相持不可言  
 督師警報未至百里外風塵而遠使主露處  
 耶播遷無寧日國勢愈弱兵氣愈難振民心皇



皇復何依哉左右禁近周章不能止夜半駕已  
行矣潰兵肆掠蹂躪公署職官無一得免式相  
被逼登舟至於漳水港刑部侍郎遠生給事中丁  
時魁等俱至式相集遠生等入民屋立草檄分  
路四發暫駐陽朔催陣兵上援督師騰蛟自永  
寧至陣自平樂紿兵至式相復入桂署○三月  
清兵疑桂城空虛直抵桂北門何騰蛟督兵三  
面禦之清兵渡甘棠去○帝駐南寧詔旌瞿式  
相賜銀幣又賜精忠貫日金圖書一枚式相念

南寧蠻鄉不可久駐日為帝清道督勦鎮

石室

漢制藏秘書於蘭臺石室

直取全州○四月皇子生冊為太子赦天下詔  
曰萬喜瞿式相念無講官經筵不御石室塵封  
何由聞得失手書八箴於扇進之○五月督師  
何騰蛟復全陽○六月清總兵粵東李成棟歸  
順吳疏迎駕又江右金聲桓據南昌遣使奏降  
疏兩粵稱全上瞿式相疏請往桂帝竟由梧州  
入肇慶○三年正月清兵破湘潭何騰蛟死之  
信豐南昌相繼敗李成棟金聲桓皆沒於陣帝

三年

標記增補元明史卷四

明唐王

五十一



設壇掛帛拭涕親祭專命瞿式耜留守督師○  
 三月朱成功募兵于銅山攻漳浦屯分水關○  
 四月清遣使貽書招瞿式耜不從○七月  
 帝遣使至島封朱成功為延平公○四年正月  
 南雄不守韶州亦陷帝震怒成舟西上瞿式耜  
 疏留之不聽遂移德慶抵梧州○六月朱成功  
 入潮州先是鄭鴻遠斷潮之揭陽遂成功入揭  
 陽時兩島為鄭彩鄭聯所踞其將章雲飛恣肆  
 不道成功密與諸部計曰兩島吾家卧榻之側

朱太祖曰  
天下一家

卧榻之側  
豈容他人  
鼾睡乎

朱成  
功并  
鄭聯

漢書云威  
稜憚于隣  
國李廣傳  
注神靈之  
威曰稜字  
彙憚安也  
動也  
戢斂也詩  
云載戢干  
戈

豈容人鼾睡迺嚴部勒自揭陽揚帆抵厦門聯  
 不虞乃出見交拜極歡成功笑曰兄能以一軍  
 見假乎聯未對諸執銳者前矣唯唯惟命諸軍  
 聳伏莫敢動成功已并聯軍威稜日憚海上軍  
 皆屬焉可四萬餘人彩率所部南遁○十一月  
 清兵薄全州入嚴門守兵不戰四潰城中大亂  
 沿道駟掠瞿式耜命戢不得衣冠危坐署中適  
 總督張同敞自靈川回遇式耜曰事迫矣公將  
 奈何式耜曰封疆之臣知有封疆封疆既失身

票已增補元明史各卷四

明唐王



也。賈音耕續

罹式 相絕 命詩

五年

將安往。同敞曰。公言是矣。敞當共之。遂笑與式  
相飲。家人泣請出危城。召諸勳。再圖恢復。式相  
揮去。不從。厥明被執。見清。定南。上。孔有德。式相  
以死自誓。不復一言。孔有德命。幽式相。同敞於  
別所。式相賦詩。日與同敞。廣和。遂遇害。其絕命  
詩曰。從容待死與城。忠臣自主張。三百  
年來恩澤久。頭絲猶帶滿天香。帝復去。上南  
寧。入土虜。嚴起恒。王化澄等。皆隨去。十二月。  
清兵陷廣州。鎮帥江寧伯杜永和奔瓊州。五

也。懣音獲。懣

年正月。朱成功謀接杜永和率眾而南。二月舟  
次平海衛。是時清將馬得功偵兩島無守備。攻  
廈門。陷之。鴻逵棄揭陽。回島。攻圍得功。得功欲  
退不得。謂鴻逵曰。公等眷皆在安平。脫得功不  
出。恐不利公家。鴻逵患之。乃逸得功。四月。成功  
至自平海。得功去兩日矣。成功大悔恨。按失律。  
罪殺鄭芝莞。芝莞成功從叔守島者也。諸將懣  
慄。兵勢復振。鴻逵泊白沙築寨以居。五月。成功  
攻南溪。敗之。十二月。攻漳浦及海澄。清守將楊



六年

擣音墨馬  
鞭也  
擣音樹擬  
擊也  
擊音姑弓  
矢持滿也  
跌宕與跌  
蕩同後莫  
孔融傳跌  
蕩故言注  
無儀檢也

世德陳堯策郝文興等皆降。○六年二月朱成  
功攻長泰清副將王進與中提督甘輝遇于北  
溪二人俱雄健聞于軍久念決雌雄廼奮槌傳  
矢以兩馬相當輝堪進則隱之進發輝亦落之  
自已向午縱橫跌宕既而兩家兵至于是廼解  
進入長泰輝日夜攻克之進與數十騎出走郡  
城漳浦屬邑俱下。○五月清總兵馬逢知來接  
突入郡城朱成功圍之不下城中食盡人相食  
枕籍死者七十餘萬人十月清援兵大至乃解

七年

朱成功  
防  
清兵  
千海

敵樓言望  
敵之樓也

圍去成功久頓堅城師老糧匱乃收兵保海澱  
○帝在安隆所封李定國為西寧王破清定南  
王孔有德于桂林敬謹王尼堪于衡州。○七年  
五月清兵攻海澱城壞百餘丈朱成功親立雉  
堞督眾堵禦左右死者層積成功與諸將飲敵  
樓矢礮雨下指揮自若大呼曰天尚贊我無落  
吾事須臾下息礮碎其座一夕忽空砲逆發成  
功謂諸將曰賊將臨城勒兵持斧以待清兵渡  
濠入郭大呼登城眾舉斧砍之清兵死傷填濠



大敗宵遁。數守益堅。○八年五月。清遣使招朱成功。為海澄。公成功不從。數出兵縱橫。福興。泉漳等郡。十月。清復遣使招之。成功不從。清主怒。實鄭芝龍于高組。成功不顧。十二月。攻漳州。清守將劉國軒。朴世用等降。屬縣十邑俱下。乘勝略泉州屬邑。成功軍律明肅。無所淫略。分所部為七十二鎮。令六官分理庶事。改中左所為思明州。以鄧會知州事。奉監國魯王盧溪王寧靖王居金門。凡諸宗室。厚給贍之。禮待避墜。薦紳

九年

十年

十一年

上忠孝等軍國大事時以諮之。凡所便宜封拜。輒朝服北向。誓首望。行在疏而焚之。○九年。朱成功數出軍。六月。取安平鎮。漳州。及惠安。南。同安。三邑。十一月。清定遠太將軍。糜子王入閩。成功出島。○十年。正月。糜子王略沿海。攻兩島。大敗而還。六月。朱成功將北略。剋日解纜。臨期。部將黃梧。蘇明等。陰降于清。諸軍潰去。甘輝聞亂。進攻不勝。遂從成功破閩安鎮。逼福州。○十一年。三月。帝在雲南。鄭鴻逵卒于浯洲。朱成功

標記

明唐王



楊誠增補元明史略卷四

年十二

年十三

三藩紀事  
云鏡人者  
周身披鏡  
而以朱碧  
彪文陣於  
行首聳立  
視馬足而  
斫之  
颯與帆同

回島○十二年帝遣使航海晉朱成功延平郡  
王甘輝崇明伯其他拜爵有差七月成功議木  
舉取南京部署諸將甲士十七萬習流五萬習  
馬五千鏡人八千號八千萬戈船八千揚颯北  
上至浙江攻樂清等州縣克之○十三年五月  
帝在永昌朱成功至崇明諸將請先取崇明為  
老營成功不聽七月至焦山謂諸將曰以鎮守  
金陵門戶須先破之授諸將機宜自督親軍進  
中提督甘輝左提督翁禾祐等建木將旗鼓直

亂字最絕  
流而渡曰

搆瓜洲清將朱衣祚左雲龍等率滿漢騎兵一  
萬會戰成功麾軍大進右武衛周全賦率兵登  
岸直破清陣斬雲龍小橋下衣祚奔城正兵鎮  
韓英奪門而入登城樹幟全賦望之麾軍疾進  
陷西北隅以入搜殺清兵皆盡遂進取蕪湖亂  
楊子趣鎮江壘于銀山清兵數萬萃而攻之不  
動駐騎射如雨成功令發火砲多鼓鈞聲廊瓦  
皆動清兵大北鎮江屬邑皆下成功乃令張煌  
言楊朝棟等招撫江南江北于是當州徽州池

標已繪補元明史略卷四

明唐王



本言增補元明史略卷四

州太平滁和六合等州郡多欲附者蕪湖縣清  
守兵皆遁甘輝曰瓜鎮為南北咽喉但座鎮此  
斷瓜洲則山東之師不下南都不勞而定矣成  
功不聽率師登舟進取金陵檄四方八月舟至  
觀音門登岸軍於獅子山度營壘令將士分屯  
諸山成功屯岳廟甘輝曰夫兵貴先聲彼眾我  
寡擊其未定宜拔若彼集禦固君必悔之成以  
不聽輝退而告人曰吾不復此矣既而清兵薄  
前鋒營統領余新擊敗之遂輕敵無備成功聞

甘輝  
先見

之令人馳讓新猶如故清副將梁化鳳襲其營  
新不及甲倉皇出走遂就禽成功遣軍馳援已  
無及矣明日清兵出步守博中堅成功率親軍  
擊敗之清兵數萬從山後出薄左前鋒營將士  
轉戰三合三即遂敗走諸將萬禮林勝等皆陣  
沒成功麾軍急退爭舟而渡獨甘輝日戰且走  
至江騎能屬者三十餘人凡所擊殺數百八  
馬蹟被獲至城南金水橋余新方屈膝輝怒踢  
之戰手罵不屈死最烈十月成功還烏祠忠臣

賜  
勳也

標  
已  
曾  
輔  
元  
明  
史  
略  
卷  
四

明唐王



廟以甘輝為第一曰吾早從甘輝之言不及此

○十四年五月清將軍達素總督李率秦部分

滿漢軍攻兩島朱成功自勒諸部扼海門傳令

諸將從海中流按軍不動清船進至諸軍倉卒

受命莫敢先發清兵乘之副將陳嘉炎等死焉

東風盛猛清船既得上流成功自手旗起師引

巨艦橫擊之風吼濤立一海皆動此人不能水

眩暈不能軍僵屍布海大敗而退竟成功之世

無覆舟者○十五年帝在緬甸朱成功自江南

敗敗地慶軍孤念帝蒙塵于外存心不可知第

放天柘天復故事孤持止朔乃議取臺灣遷之

臺灣為一蕃部族在南紀之山東倚層巒西

巨浸比之雞籠城與福州對峙南則河沙磯小

琉球近焉周袤二千餘里孤嶼環瀛相錯如繡

物產之利耕種並耦日用之需無所不有固東

南之一大聚落也鄭芝龍嘗居之未久而去荷

蘭人來盤踞其地諸將以險遠為難談極日而

不決成功意銳振舵東甲遂行三月泊澎湖狗

標記曾輔元明史卷四

唐昭宗末

年改元天

復又改天

神遷都東

京京為朱

全忠所殺

子哀帝立

仍稱天祐

不改元四

年禪于系

又按哀帝

廢後晉岐

淮南諸鎮

猶稱天祐

年號

也王安石

撥也給

也王安石



詩東西換  
花萬舟回  
既視也

燁音業

改明年為康熙元年

日眠。告鷓首所鄉。至鹿耳門。則水驟漲丈餘。大  
小戰艦橫縱畢入。紅夷大驚。以為自天而下。成  
功以手加額曰。此天所以哀孤而不委之壑也。  
天赦孤臣。必有寧宇矣。引兵登岸。克赤嵌城。荷  
蘭戰不利。退保王城。○清主福臨。是為世祖。  
第三子。玄燁嗣位。改明年為康熙元年。十月。棄  
鄭芝龍于柴市。子孫在京者皆戮之。遷各省海  
海邊界居民。以絕接濟。十一月。朱成功復攻王  
城。因風縱火。燒其夾板。告之曰。此地迺先人故

朱成功  
功改  
臺清  
為安  
平鎮

而疑持之  
訛

物珍寶不急之物。悉聽而歸。地歸我。兵始罷。荷  
蘭乃降。送之歸國。諸土酋皆受約束。改臺灣為  
安平鎮。赤嵌城為承天府。總曰東都縣。曰天興。  
萬年成功既聞消。遷界令下。嘆曰。使吾狗諸將  
意不自斷。東征得一塊土。英雄無用武之地矣。  
沿海萬里盡委棄之。使田廬丘墟。墳墓無主。寡  
婦孤兒望哭。天求惟吾故之。以今雖披猖。亦復  
何用。但收拾餘燼。銷鋒灌燧。息兵休農。待天下  
之清。未晚也。迺立典法。辟刑獄。起學官。計丁庸

朱成  
功起  
學官  
于臺



十六

養老幼。物土方。臺人大集。鄭氏遂安。○十六年。朱成功長子經居烏頗。耽聲色。與乳媪通生子。成功治家嚴肅。聞之大怒。遣使至烏諭鄭泰。監殺經及經母董。以教兒不謹也。諸部大驚。又知成功病革。或亂命不從。謀保全。五月。薨本郡王。招討大將軍朱成功卒于臺灣。年三十九。臺人以其弟襲為講理。六月。成功赴至烏。經嗣位。清靖南王耿繼茂遣人招諭。泰等議曰。先藩連年用兵。徒苦父老。東行之時。猶令權宜。通好。今日

朱成功卒于臺

帝崩 朱經 朱曆 湖稱 永曆

桑梓見洪武十二年。炤與炤同。遂巡卻退之貌。音脫。

當為桑梓。計請經。經曰。吾將東。諸君善圖之。炤朝鮮事例。遣人通好。不報。十月。經帥師往臺灣。黃昭奉襲拒。經射昭。殛。眾遂巡。稅甲。經遂入臺。收殺主謀者。餘實不問。待襲如初。○十七年。清康熙。帝崩于滇城。赴音至。朱經猶奉朔稱。永曆。始鄭泰潛結黃昭拒經。事露。經乃伴置酒。邀泰。縊殺之。泰子纘。弟鳴駿。亡歸清。將士先後歸清者多矣。于是清主銳意南掠。令將士分道疾進。經分部死士禦之。眾寡不敵。退守銅山。清

票已曾甫七月各余四

鄭經



十九年  
三十年  
三十七年

左傳隱公  
十一年使  
營苑喪吾  
將老焉

兵入島墮兩城棄其地收其寶貨婦女而北兩  
島之民爛焉自是之後親族兵將大抵皆降于  
清獨有陳永華馮錫範等及經還臺大小庶事  
悉委永華永華為政頗雜儒雅與民休息改東  
都為東寧分諸將土地修菟裘視無西意○十  
九年清康熙清令水師提督施琅攻臺灣船至  
外洋為颶風飄散不克而還○二十三年清康熙  
年春清上遣人招諭朱經不從清亦不敢加兵  
經令其將往來島上互市○二十七年清康熙

三桂叛  
子清  
二十八年

十一月清平西王吳三桂據雲南四川貴州以  
叛○二十八年清康熙三月清靖南王耿精忠  
據福建亦叛馳數騎傳檄七建皆下授提督王  
進功等將軍官勢威頗振遣使入臺請濟師四  
月清潮州總兵劉進忠以城降于精忠精忠調  
海澄總兵趙得勝兵得勝不從與將士議奉朱  
經經以陳永華為留守總制率侍衛馮錫範兵  
官陳繩武史官洪磊等渡海而西授得勝與明  
伯左都督自經東遷偃武息民兵甲鈍敝船不



滿百軍不滿萬。精忠頗易之。經遣人說精忠。借漳泉二府為召募。精忠難之。于是耿鄭交惡。五月。經取同安。清守將張學堯降。精忠懼。以都尉王進守泉州。六月。王進功子潘錫誘殺泉州城守賴王。兵民多從潘錫者。遂逐進。納款于經。經乃入泉州。授潘錫指揮使。盡委國事。七月。清兵圍潮州。精忠不能救。進忠亦納款于經。經遣舟師援之。以進忠為定虜伯前提督。九月。精忠命王進取泉州。十月。經命將士敗進于塗嶺。追至

三十九年

興化而還。吳三桂禮曹周文驥使經平耿鄭。

二十九年。清康熙十四年正月。耿精忠遣使于朱經議

和。以楓亭為界。五月。右武衛劉國軒入潮州。與

左虎衛何祐及劉進忠兵數千人。徇屬邑之未

下者。清平南王尚可嘉兵十餘萬。盡銳來攻。相

持久。國軒食盡。議退守潮。可嘉麾數騎晨掩祐

軍。戰于鰲母山下。祐以身先旗。直貫驍騎。出其

左右。國軒繼之。大敗清軍。追奔四十餘里。斬首

二萬。捕虜七千。轉藉死者徧滿山谷。國軒威名

鰲音候。鰲也。

票已曾甫亡月已各卷四

鄭經



標記坤和元明史略卷四

三十一年

三十一年

詩幽風狼  
跋篇云狼  
其尾載  
跋其胡集

震于南粵。六月。經帥諸將圍漳州。黃芳度。芳度  
清海微。公梧子。方經之至。島陽為受命。陰通于  
清。事泄。於是經圍之。芳度盡力防戰。十月克之。  
芳度投井而死。○三十年。清康熙十五年。二月。清平南  
王尚之信降于吳三桂。三桂讓惠州于朱經。劉  
國軒入踞之。九月。清兵入閩。耿精忠降。其守將  
馬成龍。以興化。款于經。初。精忠思與鄭氏併力。  
已而不協。清擊其外。鄭擊其內。前後跋躑。卒至  
于敗。○三十一年。清康熙十六年。正月。趙得勝。何祐。拒

三十一年

注。老狼有  
胡進而踞  
其胡則退  
而踏其尾

清兵于興化城下。清兵縱及間。祐疑得勝貳于  
清而不扶。師潰。得勝戰死。興化遂陷。泉漳三州  
亦潰。朱經退入島。六月。劉國軒棄惠州。入島。經  
以國事委國軒。今年吳三桂病死。○三十二年。  
清康熙十七年。二月。朱經授劉國軒中提督。揚帆入鎮  
門。壁碧湖。戰于赤嶺。清總督郎廷相等。按兵漳  
上。泉福潮三州兵。後先來援。國軒數戰皆敗之。  
遂取平和漳平。圍海徵。六月。清主以布政姚啓  
聖為總督。趣諸軍援。徵次葛布山。隔帶水相望。

票已曾甫元月史略卷四

鄭經



榜言地補刊明史卷四

三十四年  
三十三  
三十二  
三十一  
三十  
二十九  
二十八  
二十七年  
二十六年  
二十五年  
二十四  
二十三年  
二十二  
二十一  
二十  
十九  
十八  
十七  
十六  
十五  
十四  
十三  
十二  
十一  
十  
九  
八  
七  
六  
五  
四  
三  
二  
一

泗音囚。浮行水上也。

而已。圍中食盡城破。提督段應舉自經。清兵自縊死者甚衆。國軒軍威益熾。遂取長泰同安。七月。乘勝圍泉州。八月。清分兵五路。尅期援泉州。九月。國軒帥二十一鎮與清兵戰于龍虎山。大敗。凶師五千。國軒尾所乘馬泗河以遁。○三十二年。清康熙二年。朱經敗清兵于定海。八月。清兵攻蕭井寨。不克而還。十一月。清姚啓聖開第于漳州。曰修來館。不愛。官爵銀幣。招誘之。漳泉人多降。○三十四年。清康熙十九年。正月。清水師提督萬

三十五年  
朱經卒于臺灣

盛籀文減字。

正色大會舟師。攻島進逼海壇。朱經命左武衛林陞左鎮。朱天貴等禦之。望清軍畏其衆棄海壇而退。降令數舟取水寮邏。諸戈舡望風而潰。海上諸鎮多降于清。正色遂陷兩島。經率諸將復入臺灣。○三十五年。清康熙二十年。正月。延平郡王世子朱經卒于臺灣。凡經嗣位十九年。奉永曆正朔。佩招討大將軍印。稱世子。無所受命也。長子克塽。嶼嶼子也。原姓李。經嬖妾林養之。經莫知也。及經西克塽爲監國。克塽嚴毅頗倣。成功諸

票已曾甫元月史各卷四

鄭經

二十一



才計地補... 卷四

塊音爽

七十

弟畏之。迨經敗東還，以國付克盛。何經卒，諸弟揚言曰：克盛非吾骨肉，一旦得志，吾屬無遺類。經母董氏命叔監國印，幽殺克盛于別室。立次子克塽，克塽幼，髮初覆額，授劉國軒武平侯。馮錫範忠誠伯。八月，董氏卒。○三十七年，清康熙二年，清以萬正色為陸路提督，施琅為水師提督。大舉南侵，劉國軒督精兵二萬守澎湖，令林陞、丘輝等約眾二萬集于雞籠嶼，大戰，清兵不利。琅集矢于目而退，以甲裳裹首，集諸將申軍令。

噴筒筒口炸裂也

自總兵以下皆按以失律罪，諸將藩伏祈請以立功自贖，兵氣復振。陷虎井嶼，乃誓師分為八隊，取自紘，自隊居中調度。國軒發火矢噴筒，燔焰怒張，清兵乘銳火擊，自辰至午，兵氣益厲，國軒軍敗。林陞、丘輝等皆戰死，大小戰艦燬百餘艘，燒燬餘眾多降于清。國軒知勢不敵，急乘走，舸佚去。澎湖既陷，琅給降卒四千餘人，以饌米傷未及死者醫治，送還臺灣。大震寧靖，王術桂自以明家龍種，義不可辱，迺具冠服招臺人從。

饌與餉同

票已曾甫二月各長日

鄭克塽



術桂  
死節

容別飲投環以死臺人為流涕八月琅玕舟軍  
至鹿耳門國軒馮錫範何佑等奉克塽迎降克  
塽嗣位二年時年十五琅禮待克塽及諸將帥  
歸之燕京清主授克塽漢軍公至康熙二十九年  
清主念朱成功明室遺臣非吾亂臣賊子特  
賜成功及子經歸葬南安如田橫故事  
烈祖右明自太祖洪武元年戊申至帝出榔永  
立以曆廿七年癸卯凡二百九十六年  
自歷而亡後鄭氏奉永曆正朔二十一年通計三

百十六年而明曆盡

增補元明史略卷之四終

票已曾甫元月各卷四



水言地... 卷四

七十四

跋元明史略後

右元明史略 書者吾友後藤子續十八史畧而所  
輯錄也。蓋採諸舒弘諤之書而旁及眾家以補其逸  
益其闕。參互考訂始克成編。噫亦可謂勤矣。夫紀載  
之浩瀚節而傳之者多。雖然或辭辭而不暢。或事踈  
而不明。往往有之。但以幾千百載之事能括乎數卷  
之間。鎔鑄貫穿。成一家言者。獨曾氏史略而止耳。今  
此書亦倣其體裁。則其於元明之事。雖本末纖悉固  
有不備。然其大綱足以可觀。而君之昏明。政之得失。  
臣之賢佞。誠可得而識焉。然則與曾氏史畧並駕於

元月史畧書友



海內使窮鄉晚進之士。不博披史籍。而通古今於且暮者。未必不藉是書也。豈亦為無補哉。刻新竣功。將施于世。於是乎後藤子。需題片言於卷末。余喜其書之成。遂跋而贈之云。

辛未之冬十二月日

東都 直學士藤原明遠

元明史畧補跋

惺照

春秋之書。崇示華卑。夷法固嚴矣。

考其世蹟。周室式微。吳林疋僭王。

於是孔子。因舊史纂纂。修之典。

刑萬世。益以感傷。不可止也。往。



增補元明史略

高松儒臣芝山後藤氏據明徐弘

諤古今全史作元明史略二卷事

甚簡明華夷盛衰歷歷可徵

實有益之書也哉藤欽若讀

其書恨易畢篇取諸史策增

補之釐為四卷以資學者其

功可嘉夫後藤氏之作益有思

春秋之典刑也欽若之補亦應

非無所思也余今閱之則知孔

子稱管仲之仁之意矣抑亦



增補元明史略 跋

夷狄有君。諸夏之亡噫。

享和辛酉仲秋日

栗原野翁出嚴垣彦明撰



蘇之望... 以資...

明治三年庚午四月官許出版  
同 八年十一月十四日版權免許

標記者 故人 岩垣謙亭

京都府平民

出版人 藤井孫兵衛

上京第三十區御幸町姉小路上五百四番地

天/ム

27, 2, 28

48-11530



